

Tiwei Mitik Kewisik Ken Mit Ne Isrel - Hibru

Menmen me tiwei ik

Krais keteiknai God hirak kire mekak *1:1-3*

Krais Iuwe kinin mit ensel *1:4-2:18*

Krais Iuwe kinin Moses ketike Josua *3:1-4:13*

Krais Iuwe kinin mit pris *4:14-7:28*

Him me Krais hiram minin him enipaa God kewet Moses em *8:1-9:28*

Hemkre me Jisas minin hemkre me bulmakau, ehiram mesak menmen
enum maiu *10:1-39*

Haiu mit han ekitet Jisas haiu emnakin tokim eemisesim *11:1-12:29*

Him me menmen mit ne weiwik me God ehir nanisesim *13:1-19*

Him mikaru *13:20-25*

God Nikan kirak kekrehir ke Haai kirak ketpai him mirak

1 ¹Nipaa enum eik me wi ham yapirwe, God katip mit profet him mirak kenipi hir nityak. Nepei au, hirak keriuweti nan natip maamrer him mirak. ²^aTe in ek, wi kerek ti nepei au mamisi, God kewepaiyapir him mirak keriuwe menmen Nikan kirak ketpim. God epei kehimitanek hirak kakwetiwek menmen mirak yapirwe. Nipaa God katip Nikan kirak te hirak kises him mirak hirak Nikan kirkak menmen yapirwe mau ti mau nepni, mar ke Haai kirak hanhanem. ³^bNikan kirak Jisas keteiknai menmen iuwe me God merhihe mire tipar meteiknai himin kiau kentar han kirak kerekek kire God. Hirak him mirak iuwe menip menmen yapirwe hiram mises han kirak te hirak naanmipre menmen yapirwe mau merer wit wit. Hirak hirekes kaa kentar nu tentarakit kesak menmen enum mekre han ke haiu mit. Epei au, hirak ken kau wit kerek God Mitik Iuwe kewiyen, hirak kau menep his yaaim mirak kerek mit iuwe naanmipre menmen yapirwe hir newi.

^a **1:2** Sam 2:8; Mt 21:38; Jo 1:3; Kl 1:16 ^b **1:3** 2Ko 4:4; Ap 2:33-34; Kl 1:15; Hi 8:1

Nikan ke God kinin mit ensel

⁴cJisas kau menep his yaaim me God kerek mit iuwe newi. Mar im God epei keteiknai hirak kiriakek hirak kinin mit ensel kar ke niuk kerek God kewetiwekem hiram minin niuk me mit ensel. ⁵dNiuk mirak iuwe minin niuk me mit ensel mentar nipaa God ap katip mit nirak ensel kar ik:

“Petepin hi hehimitenit ti are nikan kai.” God keteipim pike ketpim kar ik:

“Maain hi ahu are Haai kirak, hirak kaku kakre Nikan kai.” God ap katip me mit ensel nirak au. Hirak katip me Nikan kirak Jisas kerekek. ⁶eKerek wi nipaa God kakriuwet Nikan kirak iuwe mitik kaknen ti ik, hirak keteipim pike ketpim kar ik:

“Yi mit ensel nai yi eiwenipi niuk mirak.”

⁷fHirak katip me mit ensel kar ik:

“Hi herekyor hir niriak menmen mai waswas nar ke nime, hir naniwaank menmen ap mises han kai au nar ke si merhihe.” ⁸gTe hirak katip me Nikan kirak kar ik:

“Ti are hi God ti Mitik Iuwe naanmipre menmen yapirwe tipmain tipmain enum eik. Ti tewen naanmamre menmen mit ti hiriakem yaaim yaaim.

⁹iTi hanhan heriuwe menmen yaaim, ti au han enuk heriuwe menmen enum, te ti Mitik Iuwe, hi God kit hi ehimitanit ti iuwe ti han yaaik ehinin mit yapirwe.” ¹⁰hGod pike katip keteipim kar ik:

“Ti Mitik Iuwe nipaa enum eik ti hiriak ti metike nepni meriuwe his mit.

¹¹iMaain ti ik ketike nepni hiram mamiwaank mamit te ti au. Ti ehu ehit tipmain tipmain enum eik. Mar ke mit neriuwet laplap ere enum hir newirem, maain ti ketike nepni hiram mamweikin his mamirem.

¹²iMar ke mit nenep laplap enum tokim newirem hir neit ham yaaim neriuwetem, te ti ehit ti ketike nepni enum ti ewirem emit, ti enip meiyam yaaim emikrehir miram. Ti hirekes au, ti ehu apar ke in ek ti hirekes hepu. Ti ap te eweikin his are menmen enum tokim au. Ti ehu tipmain tipmain enum eik.” ¹³jNipaa God katip kar ik:

“Ti ehu menep etikewa eno menep his mai yaaim kerek mit iuwe newi, ti ehu ere hi enep mit enun nepan ni enip enepi.”

God hirak ap katip him im men mit ensel au. Hirak katip Nikan kirak em keremem. ¹⁴kTe mit ensel hir nire mekam? Hir nire himin hir niriak

^c 1:4 Fl 2:9 ^d 1:5 Ap 13:33; Hi 5:5; 2Sml 7:14; Sam 2:7 ^e 1:6 Ro 8:29; Sam 97:7

^f 1:7 Sam 104:4 ^g 1:8 Sam 45:6-7 ^h 1:10 Sam 102:25-27 ⁱ 1:12 Sam 22:22 ^j 1:13 Sam 110:1 ^k 1:14 Sam 34:7, 91:11

menmen God ketpor, hirak keriuweti nanino nanriakem nankaap mit miyapir kerek hirak hanhan kaktorhis nanu nantikerek.

God hirak kakikepai kaktaihis-Menmen im hiram iuwe

2 ¹Nikan ke God Jisas hirak Mitik Iuwe kinin menmen yapirwe, te haiu emises wisenum menmen kerek nipaa haiu memtewem te haiu ap emnaaiwir him im emweikin sip emwetiwem au emit! ²¹Nipaa God katip mit ensel nirak him mirak. Hir netiwem netpim newepyapir mit em. Menmen nepei man mar ke nipaa hir netpim. Mit kerek neweikin sip newet him yaaim me God, hir nises menmen enum God kakrekyor enum mamair ke hir niriak menmen enum. ³^mTe haiu emweikin sip emwet him iuwe me God kakikepai kaktaihis, te haiu ap te mamnopin mamkeipin menmen enum God kakriak mit enum em taau. Nipaa Mitik Iuwe Kraiss hirekes kinin kewepyapir God kaktaihis. Nepei au, mit kerek nemtau him mirak hir nisesim, hir netpai nar ik: “Him im ap me memitetpin au. Hiram him yaaim.” ⁴“God hirekes keteikin him mir hiram yaaim keriuwe menmen yaaim hirak kiriakem kikaap mit keriuwerem. Hirak kiriak menmen im metike hirak keriwet God himin yaaik hirak kises han kirak kan kewet mit menmen mirak yaaim.

Jisas keweikinhis kire mitik hirak kekepai kaktaihis

⁵Haiu matip me ti ham maain God kakriakem mamnen mit kerek nisesik hir nanwik. God ap kehimitan mit ensel hir naanmiprewem. ⁶°Au, him me God kerek mitik hak kewisim mau tiwei Sam hiram matip mar im:

“God haiu mit mire mekam te ti han teweninai naanemprai? Haiu au enun weinin.

⁷Me wi yinam te ti herekyei haiu enun te mit ensel hir nininai hir iuwe. Ti ewetai menmen mit iuwe netiwem te haiu niuk maiu iuwe.

⁸°Ti ehimitenai haiu maminin naanmamre menmen mit yapirwe.”

Him hiram mitik ik epei kewisim matip haiu mit maminin naanmamre menmen yapirwe. Menmen miutip ap te mamininai taau. Te in ek haiu ap minin naanmipre menmen wen au. ⁹°Te in ek haiu mertei menmen me Mitik Jisas. Nipaa me wi yinam Jisas kau ti ik God kiriak Jisas au mitik weinik, te mit ensel hir iuwe nininek. In ek God kiriak hirak kire Mitik Iuwe keit menmen mirak iuwe kentar Jisas kaa kekrehir kaiu te God kakriak haiu mit menmen yaaim kakriuwe menmen im Jisas kiriakem. ¹⁰°Hiram yaaim te hirak God kerek haai ke menmen yapirwe hirak kiriak

¹ 2:2 Ga 3:19 ^m 2:3 Hi 10:29, 12:25 ⁿ 2:4 Mk 16:20; 1Ko 12:4, 11 ^o 2:6 Sam 8:4-6
^p 2:8 1Ko 15:27 ^q 2:9 Fl 2:8-9 ^r 2:10 Ro 11:36

menmen yapirwe hirak kenip Jisas hirak mitik yaaik wisenuk keriuwe menmen enum makip. Marim God kiriak Jisas yaaik te hirak kakiriyei haiu mit haiu mamre nikerek ne God haiu mamit menmen mirak yaaim. ¹¹ Jisas kesak menmen enum haiu mit miriakem te haiu mire yaain. Hirak ketikewai haai kiutip, te hirak ap yink enuk katip haiu “kikrek nirak.” ¹² Hirak katip kar ik:

“God hi tewen awepyapir niuk mit atip kikrek nai yem. Me nimin ke mit yapirwe nererik nises him mit hi eine henye awenipi niuk mit.” ¹³ Te hirak wen katip kar ik:

“Hi han ekitet him me God hi ehisesim.” Hirak pike katip kar ik:

“Hi hepu in etike kikrek yapirwe God epei kewetori.”

Jisas keweikinhis kire mitik te hirak kekepai haiu mit

¹⁴ Haiu mit miyapir Jisas katip haiu kikrek nirak haiu mire yink, hemkre o hemik, te hirak hirekes keweikinhis kire haiu mit te hirak kaa kewaank Seten kerek kiriak haiu mit haiu mami. ¹⁵ Hirak kiriakem te haiu mit yapirwe nipaa haiu minaain te mami mamno mamir God, maain haiu ap te mamnapin mei taau. ¹⁶ Hirak ap kiriak menmen kikaap mit ensel au. Hirak kiriakem kekepai haiu mit nepenyerer ne Ebrahim. ¹⁷ Te hirak Jisas keweikinhis kar ke haiu mit kikrek nirak hirak kire mitik kerekek. Hirak keweikinhis kire mitik te hirak kiriak menmen me God kire mitik iuwe pris kerek hanhan keriuwe mit hirak kiriakem werek werek. Hirak kiriak menmen yaaim keyim kesak menmen enum me haiu mit yapirwe. ¹⁸ Hirak yaaik te hirak kakikaap mit wen nanises God werek werek wi menmen enum mamnen mamiwaanki. Hirak kakikaap mit kakintar nipaa menmen enum man mewaanki te hirak ap keweikin sip kewet God au.

Jisas wisenuk kinin mitik Moses

3 ¹ Nai yinan kerek God keit wit kirak kehimiteni te yi yisesik yayit menmen mirak, yi han ekitet Jisas werek werek. Hirak hirekes God keriuwetek kire Aposel hirak kan kewepyapir him mirak, hirak kiriak menmen mire mitik Hetpris, haiu mit misesik matip mit han ek. ² God kehimitanek hirak kiriak menmen mirak te hirak kiriakem kisesim werek werek, kar ke nipaa mitik Moses kiriakem kisesim kau nimin ke mit miyapir ne weiwik me God. ³ Mitik luwe ik Jisas God kewisik hirak keit niuk mirak wisenum kinin niuk me Moses kire mitik kime winak yaaik keit niuk mirak iuwe. Winak au, hirak kepu weinim. ⁴ Winak yapirwe ap

^s 2:11 Mt 25:40; Mk 3:35; Jo 20:17 ^t 2:13 Ais 8:17-18 ^u 2:14 Jo 12:31; 1Jo 3:8; Rev 12:10
^v 2:16 Ais 41:8-9 ^w 2:17 Fl 2:7; Hi 2:14; 1Jo 2:2, 4:10 ^x 2:18 Hi 4:15 ^y 3:1 Hi 4:14, 6:20, 7:26, 8:1, 9:11 ^z 3:2 Nam 12:7

te mamime hiremes taau. Mit keriyen nimaam, te God kinin kentar hirak kiriak menmen yapirwe. ⁵ ^aMoses kiriak menmen me God nimin ke mit miyapir ne weiwik mirak. Hirak kire wok mitik kiriak menmen me mitik iuwe kirak. Hirak kewepyapir menmen God katip maain hirak hirekes kakriakem. ⁶ ^bKrais hirak au. Hirak Nikan ke God kerekek, hirak kiriak menmen me God werék werék. Hirak Mitik Iuwe kinin naanmipre mit miyapir ne weiwik me God. Haiu mamu mamre mit miyapir ne weiwik me God te haiu wen han tokik emu emimerir Mitik Iuwe kanen kaktaihis o au en, taau.

Mit ap nises him me God ap te nanu werék werék taau

⁷ ^cHaiu emimtau him kerek God Himin Yaaik ketpaiyem emintar haiu ne weiwik miutip mirak. Hirak katip kar ik:

“Petepin kerek yi yemtau God ketpi menmen, ⁸ ^dyi ap paan tokik (o eiynke perkenum) eiweikin sip eiwetiwem au emit! Yi ap eiyses menmen me nipaa maamrer naiu niriakem neweikin sip newet God me wi hir nepu wit tenhaan weinik mit ap newi. Hir han enuk nari han kirak nenipiwek han enuk keriuwari.” ⁹ God katip kar ik:

“Maamrer ni neit wit ik hir nari han kai enuk te hir nir menmen hi hiriakem me 40 tito, te hir au, hir neweikin sip neweto. ¹⁰ Hir nenipa hi han enuk heriuwari te hi hatip har ik:

“Hir hekrit hekrit hir nises menmen ham enum mekre han kir. Hir au, hir nepitari menmen hi hetpim hir ninapen nisesim.’

¹¹ “Hi han enuk heriuwari te hi hatip him iuwe har ik:

“Hi ap ewisi hir naninen nanu wit kerek hi ehimitenor hir nanino nani, ap nanino ein ein au.’”

**Haiu ap emweikin sip emwet him me God emir
ke nipaa hir mit ne Isrel niriakem emit**

¹² Nai yinan, yi naanmamre hiras te yi mit ap te eiriak han ki enuk yi eiweikin sip eiwet God kerek kakpau kakpeit nipaa ere in te maain hirak kaku tipmain tipmain enum eik. ¹³ Wi yapirwe God katip hiram mire “petepin” yi hekrit hekrit einakinan hitokim eikapan han tokik eiyu te yi ap eiwis menmen enum mamri han ki memitipin te yi eiweikin sip eiwet God au emit! ¹⁴ ^fYi eikapan eiypintar nipaa haiu mit memtau him me Krais. Haiu emisesim ere maain haiu mami te haiu mamtikerek mamu han kiutip haiu mit mamit menmen mamtikerek. ¹⁵ ^gHaiu mertei him im wen mepu hiram matip mar im:

^a 3:5 Nam 12:7 ^b 3:6 Kl 1:23; Hi 3:14 ^c 3:7 Sam 95:7-11 ^d 3:8 Eks 17:7; Nam 20:2-5
^e 3:11 Nam 14:21-23 ^f 3:14 Hi 3:6 ^g 3:15 Sam 95:7-8; Hi 3:7-8

“In ek yi yemtau him me God kakitpiyem yi ap einakin tokim eiweikin sip eiwet him mirak mar ke nipaa maamrer ni niriakem.”
 16^hNeimin nemtau him God ketpim te hir ap nisesim au, neweikin sip newetiweim? Mit miyapir kerek Moses keriyei keru ken ninaaiwir wit Isip. 17ⁱGod hirak han enuk keruwe neimin me 40 tito a? Hirak han enuk keruwe mit miyapir niriak menmen enum te hir naa neit wit tenhaan weinik mit ap nei newi. 18^jNipaa God katip him iuwe kar ik: “Hir ap naninen nanu wit Keinen kerek hi hehimitanek hir nanwiyen ap nanino ein ein au,” hirak katip karik hirak katip me neimin a? Hirak katip me mit ne Isrel kerek neweikin sip newetiwek. 19^kTe haiu mertei hir ap nen nau wit kerek hirak epei kehimiteni hir nanwiyen nentar hir ap nises him mirak werek werek au.

Haiu naanmamre hiras te haiu emu emtike God

4 1^lHaiu mit miyapir naanmamre hiras emintar him nipaa God ketpim me mit naninen nanu wit kerek hirak kehimiteni nanwiyen hir nanu yaaim nantikerek nanu nanit. Him yaaim im hiram mepu. Yi naanmamre hiras te God kakitpi ap te yi yaino yayit menmen kerek hirak kehimiteni yi yaitiwem. 2^mHaiu memtau him yaaim me God mar ke nipaa hir mit maamrer nemtewem. Te menmen hir nemtewem ap mekepi mentar wi hir nemtiwem hir neweikin sip newetewem. 3ⁿHaiu mit miyapir kerek mises him me God, haiu epei mamno wit kerek God kehimitenai haiu mamwi en mamu yaain mamtikerek mamu mamit. Nipaa God katip ke wit ik hirak katip kar ik: “Hi han enuk te hi epei hatip him iuwe har ik:

‘Mit miyapir kerek ap nisisa, hir ap te nanino wit kerek hi ehimiteni nanu nantikewa taau.’”

God nipaa kiriak ti metike nepni. Me wi eim ere in hirak kau kemerir mit hir nanisesik nanino nanu nantikerek nanu nanit. 4^lMe tiwei miutip nipaa mit newis him me God mekrerem, hiram matip me wi hispinak wik (7) mar im: “Wi hispinak kiutip (6) nepei au, teipmen me wi hispinak wik (7) God kau weinim ap pike kiriak menmen ham au.” 5^mMe tiwei im hirak pike katip kar ik: “Mit han en ap te nanino wit kerek hi hehimiteni nanwiyen taau.” 6ⁿHim im hiram wen mepu, te haiu mertei mit han nanino wit kerek God kehimiteni nanu nantikerek. Nipaa mit miyapir nemtau him yaaim me God te hir ap nen wit God kahimiteni nentar hir neweikin sip newet him mirak. 7ⁿMar ek te God kimat wi ham te mit nanino wit kirak nanu nantikerek. Hirak katip me wi im hiram mire petepin. Maain tito yapirwe epei men me mit en neweikin sip newet

^h 3:16 Nam 14:1-35 ⁱ 3:17 1Ko 10:10 ^j 3:18 Hi 3:11 ^k 4:3 Sam 95:11; Hi 3:11 ^l 4:4 Jen 2:2 ^m 4:5 Sam 95:11 ⁿ 4:7 Sam 95:7-8

God hirak pike kewepyapir him im keriuwe menmen Devit ketpim. Hirak katip,

“Petepin yi yemtau God ketpi menmen yi ap paan tokik (o yenkeperkenum) yeweikin sip yewet him me God.”⁸ Wit Keinan hirak wit God kehimitan Josua keriyei mit kerik ken te hir nantike God nanu nanit te hirak ap pike katip keteipim me wi ham maain hiram mamnen te haiu mamno wit kirak mamu mamtikerek.

⁹Mentar menmen im haiu mertei wi ham mepu memerir haiu mit ne weiwik me God haiu mamu yain yain mamir ke nipaa God kiriak menmen nepei au, me wi hispinak wik (7) hirak kau yain yain keit. ¹⁰Neimin hir nanino nanu nantike God nanu werek werek, hir naninaaiwir menmen nipaa hir niriakem te hir han kitet God katip hir yaain. Au hir enises him me Krai. Menmen im hir niriakem hiram mar ke hir nau yain yain nar ke nipaa God kinaaiwir menmen hirak kiriakem hirak kau yain yain. ¹¹Te haiu yapirwe naanempre hiras werek werek te haiu mamno wit ke God haiu mamu yain yain mamtikerek mamu mamit. Haiu mit ap te emweikin sip emwet God mamir ke nipaa maamrer hir niriakem.

¹²Haiu naanempre hiras me menmen im mentar him me God hiram weinim au. Hiram mepu miriak menmen. Hiram minin hine ke his tiknuk enuk, hiram mepno nimin han ketike himin ke haiu mit, hiram mewepyapir menmen mau mekrerem kerek haiu mit hanhanem o han kitetim, hiram meteiknai menmen im hiram yaaim o au enum. ¹³Ap te menmen miutip nipaa God kirirakem hiram misawin te God ap kerteiyem au. Hirak kertei menmen yapirwe haiu miriakem hirak kirem. Maain hirak skelim haiu mit me menmen haiu miriakem.

Jisas hirak Mitik Iuwe Hetpris kiau

¹⁴Haiu mitik kiau iuwe hetpris ken kau ketike God teit wit kirak. Mitik ik hirak Jisas kerekek, hirak Nikan ke God. Te haiu han ekitet menmen wisenum me Jisas kerek haiu mewepyapirem. ¹⁵Haiu mit ap te han tokik mamu maminin menmen yapirwe mamnen mamri han kiau haiu mamriak enum au. Hiram mamininai mamri han kiau te hetpris kiau hirak kire mitik han teweninai keriuwe menmen enum haiu ap te mamininem taau. Hirak han teweninai kentar nipaa menmen mari han kirak kar ke menmen mari han kiau te hirak ap kisesim kiriak menmen enum au. ¹⁶Te haiu ap emnaain au. Haiu emitehi God hirekes emriuwe him maiu mamno nikip mirak te hirak kakisak menmen enum maiu hirak kakikepai me menmen enum mamri han kiau te haiu emininem.

^o 4:8 Diu 31:7; Jos 22:4 ^p 4:10 Jen 2:2 ^q 4:12 1Pi 1:23; Ef 6:17; Rev 1:16, 19:5; Jo 12:48
^r 4:14 Hi 3:1, 10:23 ^s 4:15 Hi 2:17 ^t 4:16 Hi 10:19

Jisas kire Hetpris hirak kakisak menmen enum maiu kaktaihis

5 ¹Yi yertei mit keriyen haiu mari mitik hak kau nimin ke haiu mit haiu mehimitanek hirak kekrehir kaiu kitehi God ke haiu mit kewetiwek menmen maiu, hirak kewepwar menmen kewet God em me menmen enum haiu miriakem. ²“Mitik hetpris ik hirak han tewenin mit kerek netaritari niriak menmen enum hir ap nises God werék werék au. Hirak han tewenini kentar wi ham menmen enum mari han kirak hirak kiriak menmen enum kepir ke haiu mit. ³“Hirak ap kewepwar God kewetiwek menmen me haiu mit keriyen au. Hirak kewepwarem kewetiwek menmen mirak metike menmen me haiu mit kentar wi ham hetpris hirekes menmen enum mari han kirak hirak kiriak menmen enum te God kakisak menmen mirak enum kaktikewai. ⁴“Mitik kerek hetpris, niuk mirak iuwe, te mitik ap kehimitan hirekes kakre hetpris au. God kerekek kehimitanek kiriak menmen im kar ke nipaa hirak kehimitan mitik Eron kire hetpris.

⁵“Mar im Kraiss ap kehimitan hirekes kire mitik iuwe hetpris au. God ketpiwek kar ik:

“Ti Nikan kai. Petepin hi hire Haai kit.”

⁶“Me him mau tiwei ham God katip kar ik:

“Ti are mitik iuwe pris niuk mirak Melkisedek.”

⁷“Nipaa wi Jisas kau ti kire mitik, hirak kitehi God keriuwe him iuwe wan tipar metpenin moke nanamir kirak. God kemtau menmen hirak kitiwekhiyem, hirak kekepek. Hirak kaa te God kikiak kekrit kepu kentar hirak kewen han kirak kises han ke God. ⁸“Jisas hirak Nikan ke God te hirak menmen enum makip hirak yink kirak kekek (o meiyeworek) iuwe. Menmen im makip hirak yink kirak kekek iuwe, hiram mekepek te hirak kises han ke God werék werék. ⁹Hirak kises han ke God werék werék te hiram meteikin mit menmen enum ap mau mekre han kirak au. Hirak yaaik te hirak kenip God hirak kakikaap mit kerek nises him mirak te hirak kaktorhis nanu nanit tipmain tipmain enum eik. ¹⁰“God kehimitanek hirak kire mitik hetpris kar ke nipaa mitik Melkisedek hirak mitik iuwe pris kentar menmen Jisas kiriakem kakisak menmen enum maiu.

Yi eiyu eiyir ke mit iuwe eiyises him me God

¹¹Me menmen me Kraiss ketike Melkisedek hi hare atpi menmen yapirwe te hi ap heteikni yem hetpiyem werék werék au. Yi han enuk yetaritari yau. ¹²“In ek hiram wi me yi mit yi yepu yire tisa me him me God yentar nipaa

“ **5:2** Hi 4:15 **5:3** Lev 9:7, 16:6 **5:4** Eks 28:1 **5:5** Hi 1:5; Sam 2:7 **5:6** Sam 110:4; Hi 6:20, 7:1, 17 **5:7** Mt 26:39-46 **5:8** Fl 2:6-8 **5:10** Sam 110:4 **5:12** 1Ko 3:1-3

enum eik yi yemtau him me God yisesim. Te yi ap eire tisa au. Yi ap yertei werek him nipaa yi yemtewem te mitik hak pike eknen ekteikniyem te yi eiyirteiyem werek werek. Yi yire mit iuwe yaam ninpin heriyai heriyai au. Yi yire nikerek kike yaam nim, yi ap te yises him me God werek werek wen au. ¹³Haiu mertei mit miyapir kerek pike nemtau him me God nipaa hir ninin nemtewem, hir netari nire nikerek wen kike naam nim me miyerer nir. Hir netaritari him yaaim me God hir ap nertei mekam yaaim mekam au enum. ¹⁴Mit iuwe nertei naam menmen heriyai heriyai hir nertei menmen ham yaaim menmen ham au enum. Marim mit nises him yapirwe me God werek werek hir nertei mekam yaaim mekam ham au enum.

Haiu mit naanempre hiras emises him me God werek werek

6 ¹Haiu ap han ekitet yapirwe him me Krai nipaa haiu minin memtewem emit! Haiu emises him mirak ham te haiu emisesik werek werek. Haiu ap han ekitet yapirwe him nipaa haiu memtewem marim: Haiu emweikin sip emwet menmen enum menipai haiu mami haiu emises him me God, ²o him mit netpaiyem me mit nankir mit han neriuwe tipar o him me mit hir newis his mir emintar paan ke mit nehimiteni nanriak menmen me God, o him me haiu mami maain God pike kakikekyai haiu mit yapirwe kakinkai pinan mamno wit kirak pinan mamno wit enuk si tatin tatikneni. ³God hanhan ekikepai te haiu emises him mirak ham te haiu emisesik werek werek.

⁴Hi hatip menmen im hentar mit han kerek nipaa nertei him me God nisesim werek, hir neit menmen yaaim God keriuwetem meke wit kirak man. God Himin Yaaik kekiuwe kan kau kekre han kir. Hir nanweikin sip nanwet God mamirkeik te haiu pike mamitpor mamri han kir te hir nanweikin sip nanwet menmen enum pike nanisesik? ⁵Hir epei nertei him me God kerek hir nisesim em hiram yaaim. Hir epei nir menmen iuwe me God kerek epei man mau nimin ke haiu mit me wi im. ⁶Hir mit nanweikin sip nanwet him yaaim me God mamirkeik te haiu mamkepi hir pike enisesim? Taauye! Hir ap pike enisesim au nanintar hiram mire hir pike nenep Jisas newenkekik kau nu tentarakit te mit han ne ti nir menmen im hir natip enum me Krai.

⁷Mit kerek nemtau him me God hir nire ti kerek hawi kamip hirak yaaik kire tipar te hirak kaknip menmen kerek mit namir em hiram mamwo yaaim, God han yaaik keriuwerem. ⁸Mit kerek nipaa nises God te in ek neweikin sip newetiwek hir nar ke ti enuk waai enum mire tik tik yenkis enum mewim. Hirak ti enuk weinik. God han enuk kakriuweri kaktip hir enun nar ke ti enum, hirak kakwiri nanino si tatikneni.

^d 5:14 Ro 16:19; Fl 1:10 ^e 6:1 Hi 9:14 ^f 6:5 1Pi 2:3 ^g 6:6 Mt 12:31; Hi 10:26-27; 1Jo 5:16 ^h 6:8 Jen 3:17-18

⁹Nai yinan hi hetpi him im me mit enun neweikin sip newet God te hi han ekitet yi mit miyapir eiriak menmen marim au. Yi eiriak menmen yaaim eisesim te God kakikepi kaktihis. ¹⁰ⁱGod hirak ap enuk te hirak ap han ekitet menmen yi yisesim au. Hirak kertei menmen yi epei yiriakem, yi yeteikin yi hanhan yeriuwerek yi yikaap mit miyapir kerek nises him mirak, yi yekepi nipaa ere in yentar yi yises him mirak. Hirak han kakitetim. ¹¹Hi hanhan yi mit miyapir niutip niutip yi wen eiyses menmen me God wisenum eimeriyiwek te maain wi Jisas pike kaknen hirak kaktihis. Yi yiriak menmen marim ere wi yi yayu ti hiram epei au. ¹²Hi hinapen yi yayu yain yain me menmen me God au emit! Yi eiyses menmen iuwe yayir ke mit kerek han kitet him me God hir nemeriyiwek pike kaknen te hir nanit menmen yaaim nipaa God katip kakwet haiu mit em.

Haiu han ekitet menmen wisenum

¹³Nipaa wi God katip Ebrahim him mirak, hirak ketpiwek him manp hirak kakises menmen hirak epei ketpim. Hirak ketpiwek him manp keriuwe niuk mirak hirekes kentar hirak Mitik Iuwe God, mitik keyiak ap te iuwe kakininek taau. ¹⁴^kHirak ketpiwek kar ik: “Ebrahim, maain hi herekyut menmen yaaim hi ewetut nepenyerer nei yapirwe.” ¹⁵Epei au, Ebrahim kau kemerir menmen God ketpiwekem hiram mamnen. Hirak kemeriyiwem ere hirak ketiwem. ¹⁶Menmen mitik katip hirak kakisesim hiram mar im. Hirak katip keriuwe niuk me mitik hak iuwe hirak kininek te mit nemtewek hir nekiyan nau neit natip nar ik: “Hiram werek hirak kakises him mirak.” ¹⁷God hanhan keteiknai haiu mit kerek mamit menmen nipaa hirak katip kakwetaiyem, hirak keteiknai hirak kakises him mirak te hirak katip him iuwe keriuwe niuk mirak. ¹⁸^mMenmen im wik me God matip him iuwe, hiram matip meriuwe niuk mirak hiram meteiknai hiram ap te mamweikin au, te God ap kemitapin keriuwerem au. Hiram mekepai merekyei haiu han yaaik tokik emu ere maain haiu mamit menmen God katip kakwetaiyem. ¹⁹ⁿHaiu mertei maain Krais kakikepai kaktaihis te menmen im mekepai haiu han tokik mepu mar ke nu nekenik metenen nu hirak kerp. Menmen im haiu misesim hiram mamkepai mamir ke waai o anka kewik ketenen sip kekre wan. Menmen haiu misesim hiram mar ke hine ken keremir laplap miwapin haau me God kewiyen te haiu metikerek mau han kiutip. ²⁰^oJisas hirak kinin ken wit ke God. Hirak epei ken kau kekre haau me God kewi hirak kekrehir kiau kekepai. Hirak mitik iuwe kaku kakit kakre hetpris tipmain tipmain kakir ke mitik iuwe pris Melkisedek kaku.

ⁱ 6:10 Hi 10:32-34 ^j 6:11 Hi 3:14 ^k 6:14 Jen 22:16-17 ^l 6:16 Eks 22:10-11 ^m 6:18 Nam 23:19; 1Sml 15:29 ⁿ 6:19 Lev 16:2-3, 12, 15 ^o 6:20 Hi 5:6

Melkisedek hirak mitik iuwe pris

7 ^{1p}Jisas hirak Mitik Iuwe Hetpris kar ke Melkisedek kentar menmen im. Melkisedek hirak mitik iuwe hetpris ke God kerek kinin naanmipre menmen yapirwe. Wi nipaa Ebrahim ketike mit nirak nenep mit iuwe kerek naanmipre mit ne wit hispinak (5) hir nanip nenepi. Epei au, hir wen nepnen wit kir, mitik Melkisedek kewen yipirek ketike mit nirak, hirak ketpiwek him yaaim kar ik: ‘God kerekysi menmen yaaim naanmamri.’ ²Ebrahim kenke menmen yapirwe hirak ketike mit nirak netiwem me mit hir nanip nenepi, hirak kewepim mar hiswiyen (10), hirak kewetiwek pinam miutip, Ebrahim keteninem mar hispinak tekyaaat (9). (Hau meweikin niuk me Melkisedek mamre him maiu hiram matip “Mitik Iuwe kises menmen yaaim.” Melkisedek hirak mitik iuwe king kinin naanmipre mit ne wit Selem. Niuk im Selem hiram matip “Wit mit nekiyan newik.” Te niuk mirak ham matip hirak “Mitik iuwe king kenip mit nekiyan enu enit.”) ^{3q}Nipaa mit ap newis tiwei netpai miye haai nirak o maamrer nirak hir neimin au. Hir ap netpai mite winaak o au. Hir ap netpai hirak kaa o au te hau han kitet hirak kire Nikan ke God kentar hirak wen kau keit. Hirak kau kire mitik iuwe pris kaku kakit tipmain tipmain enum eik.

⁴Yi mit yi yertei hirak mitik iuwe. Ebrahim han kitet Melkisedek hirak iuwe kininek te hirak kenke menmen mirak hirak ketiwem me wi kerek hirak kenep mit, hirak kewetiwek pinam miutip, hirak ketenen pinam mar hispinak tekyaaat (9). ⁵Mit han kerek hir nepenyerer ne mitik Livai hir niriak menmen me mit pris. Him me God Moses kewisim mau tiwei matip hir hekrit hekrit nanri pinam miutip me menmen hiswiyen (10) mit ne Isrel nantenenim me ni mir o menmen mit han nanwetirem. Hir mit yapirwe ne Isrel hir nepenyerer ne Ebrahim te mit pris nari menmen me paaprer nir. Menmen im hiram yaaim. ⁶Te Melkisedek hirak ap ke weiwik me Livai te kenmak hirak kari menmen miutip me Ebrahim a? Hirak ap ke weiwik mir te hirak kari menmen miutip me menmen mar hiswiyen (10) Ebrahim ketenenim keriyaam me mit nepei naa. Hirak keriyaam kentar hirak mitik iuwe kinin Ebrahim. Hirak keit menmen pinam nepei au, hirak ketpiwek him yaaim kar ik: “God kakrekysi menmen yaaim.” Hau mertei Ebrahim hirak iuwe kentar nipaa God ketpiwek him yaaim kakisesim kakrekysiwekem. ⁷Hau mertei mitik kerek katip mitik hak him yaaim kar ik: “God kakrekysut yaaim,” mitik ik katip menmen im hirak kinin mitik kemtau him mirak kentar hirak kekrehir ke God hirak ketpiwek menmen yaaim. ⁸Mit pris kerek nari menmen miutip me menmen mar hiswiyen (10) mit ne Isrel netenenim,

^p 7:1 Jen 14:17-20 ^q 7:3 Sam 110:4; Hi 5:5-6, 7:15-17 ^r 7:5 Nam 18:21

maain mit han ne mit hir nani, te Melkisedek kerek kari menmen miutip me Ebrahim, him me God mau tiwei matip hirak ap te kaki au. Hirak kaku kakit. ⁹Livai maam nipu kirak Ebrahim kewet Melkisedek menmen miutip me menmen hiswiyen hirak ketenenim. Te hiram yaaim haiu matip nipaa mitik Livai kewet mitik Melkisedek menmen. Markeik te Livai kewet Melkisedek menmen em? Miye winaak wen au me wi Ebrahim kepnen wit. ¹⁰Melkisedek hirak kewen yipir Ebrahim keit yayiwe, te Ebrahim kewetiwek menmen. Ebrahim hirak maam nipu ke Livai te hiram mar ke hirak kewet Melkisedek menmen kekrehir ke Livai. Te haiu mertei Melkisedek mitik iuwe kinin Livai.

**Menmen me pris Melkisedek pike mekrit te
menmen me Livai epei au mesi meit.**

¹¹Nipaa God katip mit him mirak hir newisim mekre tiwei. Him im matip maain God kakikrehir ke menmen me mit pris ne weiwik me Eron. Menmen im meteiknai menmen mit pris in hir niriakem hiram ap te mamisak menmen enum mit niriakem au. Te God kewis mitik pris hak kiriak menmen kar ke mitik pris Melkisedek nipaa kiriakem. Hirak ap kises menmen mar ke mit pris ne weiwik me Eron hir niriakem au. Him kerek God katip Moses em mit pris ne weiwik me Eron, hir nepenyerer ne maam nipu kir Livai, hir neit him im me God hir newepyapirem natip mit miyapir ne Isrel em. Hir yapirwe nisesim. ¹²Te in ek mitik hak iuwe kekrehir ke mit pris me weiwik me Eron. Him me Moses mit pris natip mit em hiram ap mamu weinim au. Hiram mamisi te him ham me God mamikrehir miram. ¹³Mitik ik kerek him me God mau tiwei metpim, hirak ap ke weiwik me mit pris ne Levi au. Hirak ke weiwik ham. Mit ne weiwik mirak nipaa enum eik ere in hir ap nire pris nen newis menmen newepwarem newet God em au. ¹⁴Haiu mit yapirwe mertei Mitik kaiu Iuwe Jisas miye pirak winaak hirak ke weiwik me Juda. Him me Moses mau tiwei ap matip mit ne weiwik im hir nire pris au. Nepenyerer ne Livai keriyen. Te Mitik kaiu Iuwe hirak kire pris kekrehir ke mit pris ne weiwik me Livai te menmen mir hiram nepei au mesi.

Jisas hirak Mitik Iuwe Pris hekrit hekrit kar ke Melkisedek

¹⁵In ek haiu mertei werek werek God kekrehir ke pris ne nipaa ein netike him hir nisesim me wit kerek hirak kehimitan Mitik Iuwe hak Krais hirak hetpris kises menmen ham kar ke nipaa Melkisedek hirak kisesim. ¹⁶Hirak kire hetpris kentar God ap han kitet him nipaa hirak katip Moses em matip mit pris hir ne weiwik miutip me Livai keriyen. Hirak han kitet hirak mitik iuwe ap te kaki au, te hirak kehimitanek

^s 7:14 Jen 49:10; Ais 11:1; Mt 2:6; Rev 5:5

hirak mitik hetpris. ¹⁷Him im yaaim mentar him me God mau tiwei matip mar im: “Ti ehu ehiti tipmain tipmain enum eik. Hi ahimiteniti ti are Mitik Iuwe Hetpris hises menmen har ke Melkisedek kisesim.” ¹⁸God nepei kesak him mirak nipaa hirak katip Moses em mit nisesim kentar menmen me him im mit nisesim ap mekepai menipai haiu mit yaain te haiu mamu mamtike God taau! ¹⁹Him me Moses mit nisesim ap te mamnip menmen ham miutip nipaa enum hiram mamre yaaim au. In ek God kewetai him yaaim me Krai hiram minin him me Moses nipaa ein te haiu mertei haiu emisesim hiram mamkepai haiu mamtike God mamkiyan mamu mamit.

²⁰Haiu mertei wi God kehimitan Jisas hirak kire hetpris, hirak katip him iuwe hirak hirekes kakises menmen im, hirak ketpim. Nipaa mit hir nire pris, God ap ketpor him iuwe kar ke hirak katip Krai em, te hir nire pris au. ²¹Te Jisas hirak kire hetpris wi kerek God katip him iuwe kehimitanek katip kar ik:

“Hi God hi Mitik Iuwe hi hetput heriuwe him mai iuwe hi ap te aweikin han kai atip menmei ham au. Ti ehu ehiti har ke pris tipmain tipmain enum eik.” ²²Haiu mertei him im God ketpim me Jisas hiram yaaim iuwe, hiram minin him me nipaa ein God kewet Moses em te mit miyapir newenhi nisesim.

²³Menmen im hiram ham. Nipaa pris hir yapirwe nentar hir naa, mit han nekrehir kir nar kerekek kerekek me tito yapirwe. Mitik kiutip ke hir mit ein ap kaku tipmain tipmain enum eik au. ²⁴Jisas kerekek hirak kaku kakit tipmain tipmain enum eik, te hirak hirekes kiriak menmen mit pris niriakem. Mitik hak ap te kakikrehir kirak taau kakintar hirak ap pike kaki au. ²⁵Te Jisas Krai hirak kakikaap werek werek haiu mit miyapir kerek mises God mentar haiu mises him me Krai. Hirak kakikepai kakintar hirak kaki au. Hirak kaku tipmain tipmain enum eik, hirak kau ketike God kitiwekhi me haiu mit.

Jisas kire Hetpris kinin hetpris ne nipaa, hirak kakikepai haiu mit

²⁶Jisas kerekek hirak Mitik Hetpris yaaik te kakikepai. Hirak mitik yaaik, han kirak yaaik prar enuk keiti, menmen enum ap mau mekre han kirak au. Hirak kinaaiwir haiu mit enun mau ti hirak God kenipek kau ketikerek hirak niuk mirak wisenum. ²⁷Hirak ap kar ke hetpris ne nipaa ein au. Menmen hir newepwarem newet God em hiram ap yaaim te mamisak o mamwapin menmen enum me mit tipmain tipmain enum eik au. Te hekrit hekrit hir niriakem. Hir ninin newepwar menmen me menmen enum hir hiras niriakem nepei au, hir newepwar menmen newet

¹ 7:17 Sam 110:4; Hi 5:6 ² 7:19 Hi 9:9 ³ 7:21 Sam 110:4; Hi 5:6 ⁴ 7:22 Hi 8:6, 12:24
⁵ 7:25 Ro 8:34; 1Jo 2:1 ⁶ 7:26 Hi 3:1 ⁷ 7:27 Hi 5:3

God em me menmen enum mit han niriakem. Te Jisas ap kar ke mit en au. Hirak kiriak im miutip me wi nipaa hirak kaa kentar nu tentarakit, hirak kewepwar hirekes kewet God yink kirak hirak yaaik te kakisak menmen enum haiu mit miyapir miriakem. Te hirak ap kaknipem kakteipim au. Kiutipen kerekek. ²⁸ ^aHim nipaa God kewet Moses em mit miyapir enisesim hiram mehimitan mit nire hetpris, te mit in hir yaain au, God katip hir mit enun mau mekre han kir. Te keriuwe him ham God ketpim hiram mikaru man, hirak katip him iuwe kehimitan Nikan kirak Jisas hirak kire hetpris. Hirak kerekek ap kire mit hetpris han kerek niriak enum au. Hirak nipaa ein ere in tipmain tipmain enum eik hirak yaaik kerekek.

Jisas kiriak menmen kire hetpris keit winak yaaik keit wit ke God

8 ¹ ^bMenmen hi hetpiyem hiram im. Hetpris kiau karik hirak kepu kar ke hi nepei hetpiyem. Hirak kau ketike Mitik luwe God tau wit kirak kau niu. Hirak kau ken menep his yaaim mirak kerek mit iuwe naanmipre menmen yapirwe newiyen. ² Hirak kewiyen kiriak menmen hetpris kiriakem. Hirak kiriakem kekre winak God hirekes kimaak. Winak kerek nipaa God katip Moses kimaak, hirak himin ke winak ik God hirekes kimaak keit wit kirak. Mit au.

³ Him nipaa God kewet Moses em mit miyapir enisesim, hiram mehimitan mit hetpris hir newepwar menmen newet God em, hir nenep samiyak newet God em. Mitik kiau luwe Hetpris ekwepwar menmen ekwet God em kar ke mit in netenen menmen newet God em. Hirak ketenen menmen au, hirak ap kire hetpris auye. ⁴ Mitik kiau luwe Jisas hirak kau ti ik hirak ap kakre pris au ekintar mit nau nire pris newepwar menmen newet God em hir nises him nipaa God kewet Moses em te mit enisesim. Te hir nanwis Jisas kakriakem taau. ⁵ Menmen im hir niriakem nar ke pris netike winak ik kerek hir niriak menmen mekrerem, hiram himin keremem. Hiram himin mises menmen mau wit ke God. Menmen im hiram mises menmen meit wit ke God, te wi nipaa Moses kakime winak ke God, God ketpiwek him iuwe kar ik:

“Ti ehises menmen im werek mamir ke nipaa ti heit miniu (o neiyip) eik hi heteiknutem.” ⁶ ^dIn ek Krai hirak kiriak menmen me hetpris hiram yaaim minin menmen mit han pris nipaa niriakem. Hirak kinini kar ke him ham God katip Jisas em kewet haiu mit em hiram yaaim minin him me nipaa maamrer nau nisesim. Hiram minin him nipaa mentar him ham im mamkepai werek werek. Him me nipaa au, mikaap maamrer kike keremem.

^a 7:28 Hi 5:1-2 ^b 8:1 Hi 1:3, 3:1, 10:12, 12:2 ^c 8:5 Kl 2:17; Hi 9:23; Eks 25:40 ^d 8:6 2Ko 3:6; Hi 7:22, 9:15

Him ham yaaim minin him me nipaa ein

⁷Him me nipaa ein God hirak kewet Moses em hirak ketpim hiram yaaim mekepai werék werék, kenmak te hirak pike ketpai him ham? Hirak ketpai him ham haiu emisesim kentar him me nipaa ap werék werék mamkaap haiu mit miyapir haiu mamre yaain, au haiu mire enun. ⁸eGod katip him me nipaa ap yaaim miriak mit miyapir yaain au. Haiu mertei him im yaaim mentar God katip kar ik:

“Hi Mitik Iuwe atip yi eiyimtwem. Maain wi ham mamnen te hi atip mit ne Isrel netike mit ne Juda him mai ham yaaim hir nanwenhi nanisesim. ⁹Him mai ham yaaim mit nanisesim ap mamre him nipaa hi atip maamrer ni yem au, me wi hi hanhan heriuweri heriyei ninaaiwir Isip. Hi ap aweti him mar ke nipaa ein hi hewetirem hentar hir ap nisesim werék werék au. Te hi eweikinsip hewet maamrer ni nenterim.

¹⁰fMaain wi him me nipaa ein hiram epei au, hi Mitik Iuwe God hi etpi yi mit ne Isrel hi aweti him mai ham yaaim yi eiwenhi eisesim marim. Hi ewisim mamu mamikre han ki te mit ap nanitpi nanri han ki yi eiyisesim. Au, yi hiras hanhan eiyisesim weinim. Hi are God ki yi eire mit miyapir nai.

¹¹Maain mit niutip niutip ap nantip heiyiuwerer nir o kikrek nir o nir yinan nar ik: ‘Yi eiyirtei menmen me Mitik Iuwe God.’ Hir ap te nanitporem au nanintar mit yapirwe niutip niutip neimin iuwe o neimin mit weinin, hir yapirwe nanirteiya werék werék.

¹²gHi tewen han tewenini ahisak menmen enum mei mekre han kir hi ap pike han kakitetim han enuk ariuerem au.” ¹³Him me nipaa ein God kewet Moses em hirak ketpim hiram enum tokim mentar in ek God ketpai hirak pike kakwetai him ham yaaim haiu emisesim hiram mamikrehir miram ham. Haiu mertei him hiram enum tokim maain kike hiram mamno mamit mamre laplap enum tokim mit newirem meit.

Hetpris ke nipaa ein kewet God menmen

9 ¹hHaiu wen han ekitet menmen me wi nipaa God kinin kewet maamrer nai ne Isrel kontrak ke him mirak hir enisesim. Hirak katip him manp me menmen markeik te hir enisesim enwenipi niuk mirak. Hirak katip him ham me winak mit nimaak te newenipi niuk mirak nekrerek. ²iHir newir sel hiram miwapiw winak ik. Haau wik meit nimin. Haau kerek mau menep ya weipir hir nenewem ‘Haau mit

^e 8:8 Jer 31:31-34 ^f 8:10 Hi 10:16 ^g 8:12 Hi 10:17 ^h 9:1 Eks 26:1-30 ⁱ 9:2 Eks 25:23-40

nehimtanem me God.' Menmen metenen si heurekan metike kinaan niu mei kerek mit newepwarem newet God em, hiram miwaai mekre haau im. ³Hir nimian laplap meiyam mau weipir miwapin haau ham mau mikaru. Hir nenewem 'haau me God kewi.' Hir neriuwessem te mit ap naninori au emit! ⁴Menmen ham im mau mekre haau im e. Hir newen gol sisi meweikin mire tipar mentar kinaan kerek hir nesi menmen mire semi yairep hiram menterim. Kinaan im mepu metike bokis hir newen gol menterik hir nenewek "bokis ke kontrak" nentar nan him me God mewim hiram miwaai mekreker. Mit nime min kiutip kire gol hir newisik kekreker. Mit nipaa newis menmen ham mana kerek nipaa God kewet mit ne Isrel em neit wit weinik mit auri, hir newisim mekreker. Menmen im mau mekre bokis metike nu paap ke Eron kerek nepei kaa nipaa God kenip tiwei hiram mewo miyakirem. Im metike nan wik nipaa God kewis him mirak mewim kewet Moses em mit enisesim, menmen im yapirwe mipwaai mepikre bokis ik e. ⁵Himin me mitikit ensel wik hakit niuk mirakit Serapim kerek mit newis gol miwapinem hiram merp mentir bokis mau niu naanmipre kinaan kerek God kesak menmen enum me haiu mit kentaram. Himin wik me ensel mehimitan menmen iuwe me God merhihe mau mekre haau im e. In ek hi hinapen etpi menmen yapirwe miutip miutip hir niriakem neriuwerem au. Yi epei yerteiyem werek werek.

⁶Hir nemani menmen im werek werek hi nepei hetpiyem, mit pris hekrit hekrit hir nen haau iuwe me God menep ya weipir, hir newepwar menmen newet God em. ⁷Te mitik iuwe hetpris kiutip kerek hira ken haau kike kerek mikaru mirapit me haau iuwe, wi miutip me tito miutip. Hira ken kekra haau im ketenen hemkre me samiyak hira kewepwarem te hira kakwet God em hira kakisak menmen enum hira ketike mit ne Isrel netaritari niriakem. ⁸Him me God nipaa hira kewet Moses em hira ap mewis mit hir nanino haau kike kerek mit nehimitan God kewi au. Marim God Himin Yaaik keteiknai wi kerek mit wen nises him me Moses, hir netike God ap nekiyan nau neit au. ⁹Him im me Moses meriuwesim mit nanino nanikre haau kike hira mire himin meteiknai wi im menmen yapirwe mit pris newepwarem newet God em hira ap mamnip han ke haiu mit enun kakre yaaik. ¹⁰Him mirak im hira naanmiprai me menmen haiu mamim o tipar haiu mamim o mamirkeik haiu mamkir te God katip haiu mit yaain. Menmen im hira him me naanmiprai ere wi God pike kaknip menmen yapirwe hira yaaim.

^j 9:3 Eks 26:31-33 ^k 9:4 Eks 30:1-6, 25:10-16, 16:33; Nam 17:8-11; Diu 10:3-5 ^l 9:5 Eks 25:18-22 ^m 9:6 Nam 18:2-6 ⁿ 9:7 Eks 30:10; Lev 16:2-34 ^o 9:8 Hi 10:19-20 ^p 9:9 Hi 10:1-2 ^q 9:10 Lev 11:2, 25, 15:18; Nam 19:11-13

Jisas Krai kewepwar hemkre mirak kewet God em

¹¹Te Krai epei kan kire Hetpris kiau kewetai menmen mirak yaaim epei man. Hirak kirkia menmen mar ke pris hirak ken kekrek winak ke God keit wit kirak, hirak yaaik kinin winak ke God kau ti me nipaa ein. Hirak kinin winak kau ti kentar it ap nimaak, hirak ap menmen me ti au. Hirak kirkia menmen me wit ke God. ¹²Me wi nipaa kerek Krai kaa ken kekrek haau kerek God hirekes kewi, hirak ap keit hemkre me samiyak kewepwarem kewet God em kire pris niriakem au. Hirak keit hemkre mirak epei mewen keiyim ken haau kerek God kewi kewepwarem kewet God em. Hirak ken kekrekrewen hemkre miutipen mekrekrek, hiram yaaim te hirak ap pike kaknipem au. Hiram yaaim te hirak kekepai kaktaihis hiau mamtikerek mamu tipmain tipmain enum eik. ¹³Markeik te hemkre me meme o bulmakau mamkaap hiau mit? Hiram mamkepai mamir im. Mit han hir netenen menmen God katip: “Yi mit ap yetenen menmen im,” te maain God kaktip hir yink kir enuk kakinterim. Yink kir enuk ere mit pris hir eninin enit hemkre me meme metike hemkre me bulmakau, im metike si waniu (o win) me yink me bulmakau niki hir neiyim nen newirem mentar yink ke mit in. Epei au, him me God matip hir pike yaain nentar menmen im mesak menmen enum mau yink kir. ¹⁴Hemkre me meme metike bulmakau mesak menmen mau yink kiau keremem te Krai hirak iuwe kinin meme metike bulmakau, hemkre mirak yaaim minin hemkre miram, hiram mesak menmen enum mekre han kiau. God Himin Yaaik kekepik hirak kerek yaaik kirkia menmen enum au te hirak kewepwar hemkre mirak kewet God em. Te hemkre mirak yaaim mamkaap hiau mit hiram mesak menmen enum mekre han kiau, te hiau emises God werek werek kerek kaku kakit tipmain tipmain enum eik.

Hemkre me Jisas mikaap him ham yaaim God kewetaiyem

¹⁵Jisas kikaap him ham yaaim mit enisesim hiram mikaru man mentar nipaa hirak kaa kesak menmen enum hiau mit kerek mises him ham me nipaa enum hiau miriakem. Jisas kau nimin ke hiau mit metike God kikaap him ham yaaim mit enisesim hiram mikaru man te hiau mit kerek God kehimiteni hiau mit nirak hiau mamtikerek mamu tipmain tipmain enum eik mamit menmen yaaim mirak mamir ke nipaa God ketpim him iuwe. Jisas kaa te hiau mamit menmen yaaim im.

¹⁶Hiau mertei mitik hak kertei maain hirak kaki, hirak kewis menmen mau tiwei matip markeik te hirak kakinke ti metike menmen yapirwe

¹ 9:11 Hi 3:1, 10:1 ² 9:13 Lev 16:3, 14-16; Nam 19:9, 17-19; Hi 10:4 ³ 9:14 1Pi 1:18-19; 1Jo 1:7; Hi 6:1 ⁴ 9:15 1Ti 2:5; Hi 8:6

hirak naanmiprewem kakwet nikerek nirak em. Menmen im hirak kewisim mau tiwei hiram niuk mirak “Tiwei me han.” Maain kerekek wi haai kaki, nikerek nirak nanit menmen mamir ke nipaa hirak kewisim mau tiwei. ¹⁷Haai wen kepu, te tiwei kerek hirak kewisim em hiram wen mepu weinim. Te maain hirak kaki, tiwei hiram mehimitan menmen me nikerek hir nantiwem. ¹⁸Marim nipaa mit nenep samiyak hiram maa hemkre miram mewen hiram menip him im mekrit mau meit. Haiu matip him im hiram ap mekepai werek au kerek God kinin katip Moses em hirak hanhan mit enisesim te mit wen nenep menmen maa te him im mekrit mau meit. ¹⁹Wi nipaa Moses kenip him im mekrit mau meit hirak kinin katip mit ne Isrel him yapirwe God ketpiwekem hirak kewisim mau tiwei te mit miyapir nanisesim. Hirak ketpor epei au, Moses keit hemkre me bulmakau nikim metike meme kerek hir epei namip hemkre miram mewen, hirak keit tipar metikerem, hirak kesi tepnek me sipsip mire yiwir metike timen niuk miram Hisop, keyim ken kemtit mau hemkre hirak kewisim mentar tiwei him me God kewet Moses em mau mekrerem, kewisim mentar im metike yink ke mit miyapir yapirwe. ²⁰Hirak wen kewisim mentar tiwei metike mit miyapir, hirak ketpor kar ik: “Samiyak menmen nepei maa hemkre miram mewen hiram meteikni yi epei yewenhi yatip yi eiyises him me God nipaa hirak katip yi eiyisesim.” ²¹Marim hirak keit hemkre im metike tipar kewisim mentar winak ke God ketike menmen yapirwe mekrekek kerek mit nererik newenepi God neriuwerem. ²²Tis, him Moses kewisim mekre tiwei hiram matip menep menmen yapirwe nipaa hiram ap yaaim mit newenipi God neriuwerem hemkre hiram miriakem hiram mire yaaim. Haiu mertei mit newen hemkre me menmen keremem te God kakisak menmen enum maiu mekre han kiau, o au en, taau.

Krais kewepwar hemkre mirak kakisak menmen enum me haiu mit

²³Menmen weinim im mau ti hiram mar ke himin me menmen iuwe meit wit ke God, Moses kewen hemkre menterim te hiram mire yaaim. Te menmen mau wit ke God hiram iuwe te hemkre im menipem yaaim au. Hemkre ham mamininem mamnip menmen iuwe mau wit ke God hiram yaaim te haiu mit mamtike God mamkiyan mamu mamit. ²⁴Krais nepei kenipem hiram yaaim kentar hirak ap ken kekere winak kerek mit nimaak kau ti nehimitanek me God au. Hirak ken wit ke God kerek in ek hirak kau keit menep ninaan me God kitiwekhi me haiu mit miyapir. ²⁵Krais ken kekere haau me God kewi kewepwar hemkre mirak miutipen keremem. Hirak ap kewepwarem yapirwe kar ke nipaa mitik pris

^v 9:19 Eks 24:3, 6-8; Lev 14:4, 6 ^w 9:20 Eks 24:8 ^x 9:21 Lev 8:15, 19 ^y 9:22 Lev 17:11; Ef 1:7 ^z 9:23 Hi 8:5, 10:1 ^a 9:24 1Jo 2:1

kiriakem au. Me wi miutip miutip me tito yapirwe hirak pris ken haau kerek mit nehimitanek me God kau kekererem hirak kewepwar hemkre me samiyak mei kewet God em. Te Krai au, miutipen keremem. ²⁶Hirak ap ken haau me God kewi yapirwe kar ke mitik iuwe pris kiriakem au. Hirak ken kewepwar hirekes yapirwe te hirak kaki kakintar nu tentarakit yapirwe me wi nipaa God kiriak ti ketike nepni ere in. Au, in ek hirak kan kau ti kaa miutipen kerekek hiram werek. Me wi menep menmen me nipaa hiram epei au mamisi, hirak kan kakisak menmen enum mau mekre han kiau keriuwe hemkre mirak mewen hirak kewepwarem kewet God em miutipen keremem. ²⁷^bMit miyapir yapirwe nani te maain hir nanir God, hirak skelim menmen mit miyapir in niriakem. ²⁸^cMarim Krai kaa miutip kewepwar hirekes kewet God hemkre mirak te kakisak menmen enum me maiu au. Hirak pike kaknen kakithis haiu mit miyapir kerek misesik memeriyiwek kaknen.

**Menmen mit nipaa newepwarem hiram ap
te mamsisak menmen enum maiu**

10 ¹^dHim nipaa God kewet Moses em hiram mire himin weinim me menmen yaaim maain mamnen, te hiram ap menmen im yaaim hiremes au. Me tito tito mit iuwe hetpris newepwar hemkre me bulmakau o meme newet God em. Hir niriakem mar kerememk keremem. Markeik te him me Moses mamriak mit kerek nises God hir yaain neriuwe menmen im mitik pris kewepwarem kewet God em? Taau! Hiram himin weinim me menmen yaaim keremem. ²Menmen mit newepwarem newet God em hiram yaaim te mamsisak menmen enum mit kerek nises him me God hir niriakem te hir ap pike naninen nanriakem meiyam taau nentar hir ap menmen enum mau mekre han kir au. ³Au, mit niriakem nar keremem me tito tito yapirwe hiram menip mit han tewenin menmen enum hir niriakem. ⁴^eHir niriakem nentar God kertei hemkre me bulmakau o meme hiram ap te mamsisak menmen enum maiu mekre han ke haiu mit au. ⁵^fGod kertei menmen im, te wi nipaa kerek Krai epei kaknen ti kaku kaktikewai, hirak katip God kar ik:

“Ti hinapen mit newepwar bulmakau o meme sipsip hir nanwetutem au. Ti epei eraumani yink kai hi ahu ekrerem awepwar hirekes ewetutem. ⁶Ti ap han yaaik heriuwe samiyak mit nimansiyem mau nan mire kinaan menmen mit newepwarem newetitem te hiram mamsisak menmen enum mir au. ⁷Te hi Krai hetput har ik: ‘Ti God ti hira hi hepu, hi ariak menmen ti hanhan hi ariakem, mar ke nipaa mit newisim me hi mau tiwei ke Moses ketpim.’”

^b 9:27 Jen 3:19 ^c 9:28 Hi 10:10; Ais 53:12; 1Pi 2:24; Fl 3:20; 2Ti 4:8 ^d 10:1 Hi 8:5

^e 10:4 Hi 9:13 ^f 10:5 Sam 40:6-8

⁸Hirak Kraiss kinin katip kar ik: “Ti hinapen mit newepwar menmen nanwetitem au. Ti ap hanhanem te hir nimansi samiyak mau nan mire kinaan o menmen hir newetitem te mamisak menmen enum mau han kir au.” Kraiss katip menmen im te him me Moses kewisim mau tiwei hiram matip mit enisesim. ⁹Hirak katip menmen eim epei au, maain hirak katip him kar ik: “God ti hira hi hepu. Hi ariak menmen ti hanhanem.” Him im metpai Kraiss kenip menmen tokim me nipaa ein me mit hir newepwar menmen newet God em, hiram nepei au mesi, hirak kekrehir miram kewepwar hirekes kewet God yink kirak. ¹⁰^gJisas Kraiss kises menmen God hanhan hirak kiriakem. Hirak kaa miutip kerekek kewepwar yink kirak kewet God ek te hirak kesak menmen mekre han kiau te haiu mit kerek misesik haiu yaain. Haiu mewenipi niuk me God werék werék.

Menmen Kraiss kiriakem mesak menmen enum mekre han kiau

¹¹^hHekrit hekrit mit yapirwe nire pris hir nerp niriak menmen newepwarem newet God em. Hir niriakem marem marem te menmen im ap te mamisak menmen enum haiu mit haiu miriakem taau. ¹²ⁱTe Kraiss hirak kiriakem miutip kesak menmen enum maiu. Epei au, hirak ken kau menep his yaaim me God kentar hirak Mitik luwe kire God hirak naanmipre menmen. Menmen miutip Kraiss kiriakem hiram mamu mamit mamkepai haiu mit mamisak menmen enum mekre han kiau tipmain tipmain enum eik. ¹³^jHirak wen kau ketikerek kemeriyiwék ere wi God kaknep mit enun nepan kaknip kaknepi. ¹⁴Haiu mertei Kraiss keriuwe menmen miutip hirak kiriakem wi kerek hirak kaa kewepwar yink kirak kewet God ek, hirak kiriak mit miyapir kerek God kesak menmen enum mir, hir nire yaain nanu tipmain tipmain enum eik.

¹⁵⁻¹⁶^kGod Himin Yaaik hirak kewetai him mirak metike him Kraiss epei ketpim God Himin Yaaik hirak kinin katip kar ik:

“Me wi maain mamnen hi awet mit him mai im hir nanwenhi nanisesim. Hi ewisim mekre han kir te hir han ekitetim.”

¹⁷Nepei au, hirak katip him ham mar im:

“Hi ap pike han ekitet menmen enum mau mekre han ke mit o menmen hir niriakem te hi han enuk heriuweri au.” ¹⁸God epei kesak menmen enum mai te mit ap te nanwepwar menmen nanwet God em nanteipim au. Hiram epei au mesi meit.

Haiu emises him me God te haiu emu emtikerek han kiutip

¹⁹^lTe nai yinan, haiu yaain te mamno mamikre haau me God hirekes kewi mentar Jisas kaa kentar nu tentarakit hemkre mirak mewen

^g 10:10 Hi 9:12, 28 ^h 10:11 Eks 29:38 ⁱ 10:12 Hi 1:3 ^j 10:13 Sam 110:1 ^k 10:16 Jer 31:33-34; Hi 8:10, 12 ^l 10:19 Hi 4:16

mesak menmen enum maiu. ²⁰ ^mHirak kaa te menmen im hiram mire hirak kinin ken kewep yayiwe keremir o kewep laplap me nimin hiram meiyepetai haiu mit mamno nimin kerek God kewi. Hiram mar ke hirak kewep yayiwe ik keriuwe yink kirak te haiu emisesik mentar nipaa hirak kaa pike kekrit kau keit. ²¹ Haiu Mitik kiau Iuwe Hetpris hirak kepu naanmpire menmen meit wit ke God metike haiu mit kerek mises him me God haiu nikerek nirak. ²² ^aKrais kiriak menmen im te haiu emnawir menmen enum me memitaipin mekre han kiau emit, haiu emises God haiu mamtikerek emu han kiutip. ²³ ^oHaiu emises menmen werek werek kerek haiu matip haiu han kitetim. Haiu ap emweikin sip emwet him im emintar haiu mertei him nipaa God ketpim maain hirak kakisesim kakriakem. ²⁴ Haiu han ekitet markeik te haiu emri han ke naiu yinan te haiu yapirwe han etweninan haiu mamriakan menmen yaaim. ²⁵ ^pYi ap einapen yaino eitike ni yinan yererik yewenipi niuk me God yar ke mit han ninapen niriakem au emit! Yi eiri han ki eikiyan wisenum te yi eirerik eiwenipi niuk me God eiyintar wi menep te mamnen Krais pike kaknen kakteipim.

Haiu ap emweikin sip emwet God Nikan kirak Jisas

²⁶ ^qHaiu mit epei mertei him me Jisas kaa te kakisak menmen enum mekre han kiau haiu misesim werek werek te maain haiu emweikin sip emwet him im au emit! Haiu mamriak enum, menmen ham ap mepu te mit pike nanwepwarem hiram mamisak menmen enum maiu te haiu mamre yaain taau. ²⁷ ^rHaiu emweikin sip emwet him mirak au emit! Maain haiu mamnaain God skelim haiu mit, kakwirai mamno si kerek God kiman me kakwir mit nirak enun nepan nanino nanikrerem si tatin. ²⁸ ^sHaiu mertei mitikit wik o wikak tewepyapir mitik kiutip keweikin sip kewet him me Moses, te mit iuwe ne Isrel nantiwekhis hir ap han teweninek au, hir nankip kaki. ²⁹ ^tTe yi han ekitet God kakiwaanek mitik kerek keweikin sip kewet menmen Jisas kiriakem kakiwaanek kike keremem a? Auye! Hirak kakiwaanek wisenum kentar hirak kinaain Nikan ke God hirak katip menmen hirak kiriakem me wi kerek hirak kaa hemkre mirak mewen hiram menmen weinim. Menmen im God kewetaiyem hiram him haiu mamwenhi mamisesim te hirak kakrekyei haiu mamre yaain. Te God kakiwaanek mitik ik enuk kentar hirak keweikin sip kewet Nikan ke God. Menmen im hiram mar ke hirak kinan yipir kewerek hirak keweikin sip kewet God Himin Yaaik kerek hanhan keriuwai haiu mit kerekyei menmen yaaim. ³⁰ ^uHi hatip menmen im

^m 10:20 Mt 27:51; Hi 9:8 ⁿ 10:22 Lev 8:30; Esi 36:25; Ef 5:26 ^o 10:23 Hi 4:14

^p 10:25 Hi 3:13 ^q 10:26 Hi 6:4-8 ^r 10:27 Ais 26:11 ^s 10:28 Diu 17:6, 19:15

^t 10:29 Eks 24:8; Hi 13:20 ^u 10:30 Ro 12:19; Diu 32:36; Sam 135:14

hentar haiu mertei God ap kemipin me wi hirak katip kar ik: “Menmen enum mit niriakem, maain hi ewaniupaan mir eriuwerem.” Hirak wen katip him ham kar ik: “Hi Mitik Iuwe God hi skelim mit nai me menmen hir niriakem.” ³¹ God kerek kaku kakit tipmain tipmain enum eik skelim mit me menmen enum hir niriakem. Menmen im hirak menmen menipi han yaaik au. Hiram menmen enum menipi hir han enuk ninaain wisenum.

Yi han tokik eiyses him me God werek werek

³² Yi pike han ekitet menmen nepei man me wi nipaa yi yinin yemtau him me Krai yi yisesim. Yi yisesim epei au, menmen enum man mamriwaank te menmen enum im ap te maminin han ki au. Yi han tokik eiyu eiyit. ³³ Wi ham mit netpi enum hir nerekyi enum nerp ninaan me mit miyapir yapirwe te hir naninwesisi. Wi ham yi yir mit enun niriak mit han yaain menmen enum yi eiyirp eitikeri eikepi hir han tokik nanu. ³⁴ Yi hanhan eiriuwe mit yaain mit enun newisi nekre winak enuk. Yi ap han enuk eiriuwe mit kerek nen nari menmen mi neiyim nen au. Yi han yaaik yewisi nari menmen mi yapirwe yentar yi epei yertei God nepei kewisi menmen ham yaaim minin menmen mit neriyaam, hiram mamu mamit tipmain tipmain enum eik. ³⁵ Nipaa ere in yi han tokik yepu te in ek yi ap einapen menmen enum mamnen mamriwaank au emit eiyintar yi yertei maain God kakweti mit miyapir kerek yisesik werek werek kakweti menmen mirak yaaim. ³⁶ Yi wen han tokik eiyu eiyses him me God te maain yi eiriak menmen God hanhan yi yiriakem, yi eiyit menmen yaaim nipaa hirak katip kakwet mit miyapir kerek hir nisesik kakwetirem. ³⁷ Yi han tokik eiyu eiyintar him me God mau tiwei matip me Krai mar im:

“Maain kike hirak kerekek kaknen. Hirak ap kakmerir wi yapirwe au.

³⁸ Te nai yinan hir han ekiteta nanises him mai hir nantikewa nanu nanit tipmain tipmain enum eik, te mit kerek nanweikin sip nanweto, hi han enuk ariuwari.” ³⁹ Haiu mit au, haiu ap ne mit kerek neweikin sip enwet God te hirak kakraiwaank au. Yi yetikewa haiu ne mit kerek nises him me God te hirak kakikepai kaktaihis.

Markeik te haiu han ekitet menmen werek werek

11 ¹ Haiu han ekitet menmen God katip hiram mamnen haiu mertei maain hiram mamnen te haiu mameriyiwem mamnen. Menmen

^v 10:33 1Ko 4:9 ^w 10:34 Mt 6:20, 19:21, 29 ^x 10:36 Lu 21:19; Hi 6:12 ^y 10:37 Hab 2:3-4 ^z 10:38 Ro 1:17; Ga 3:11 ^a 11:1 Ro 4:18; 2Ko 5:7

im haiu ap mirem wen au te haiu mertei hiram mepu mentar God katip hiram mepu. ²Nipaa mit maamrer han hir han kitet God werek te hirak han yaaik keriuweri. ³^bHaiu mit i han ekitet him me God hiram yaaim te haiu mertei God kiriak ti metike nepni keriuwe him mirak weinim. Te menmen haiu mirem God kiriakem keriuwe menmen haiu ap te mamirem taau.

Him me mitikit Ebel, Inok tetike Noa

⁴^cMitik niuk mirak Ebel hirak kises him me God te menmen hirak kewepwarem kewet God em. God katip menmen mirak kerek kewetiwekem hiram yaaim te God ketpiwek hirak mitik yaaik kentar hirak kisesik werek werek. Nipaa Ebel hirak kaa hirak wen han kitet God werek werek te him mirak mau tiwei me menmen nipaa hirak kiriakem hiram meteiknai menmen menip God han yaaik keriuwai.

⁵^dInok ap kaa kentar hirak han kitet God werek werek te God ketiwekhis kau ketikerek. Mit han ninetniwek ninetniwek ap ninapinek au nentar God epei ketiwekhis keyik ken wit kirak. Him me God mau tiwei matip God ketiwekhis wen au, menmen Inok kiriakem hiram menip God han yaaik keriuwerek. ⁶Mit miyapir kerek ap han kitet God, menmen yapirwe hir nanriakem ap te naninip God han yaaik kakriuweri taau. Hir ap te naninip God han yaaik kakriuweri nanintar mit miyapir kerek hir hanhan nises God hir naninin han ekises God hirak kepu, maain hirak kakwet mit miyapir kerek hir hanhan nisesik kakwetir menmen yaaim.

⁷^eWi nipaa God katip Noa me menmen enum hawi yuwerep hiram mamnen, te Noa kir menmen im wen au. Hirak han kitet menmen God ketpim hiram mamnen te hirak kime sip. Maain hirak kimaam werek hawi yuwerep epei man, hirak ketike mite pirak nikerek nirak nen nau nekrerem, te hir ap naa au. Hirak keteikin mit yapirwe hir enun kentar hirak kises him God nipaa ketpiwekem te hir au. Te hirak God katip Noa hirak mitik yaaik kentar hirak kises him mirak.

Ebrahim kises him me God

⁸^fEbrahim kemtau him kerek God ketpiwekem te hirak han kitet him mirak hiram yaaim. Te hirak kinaaiwir wit kirak ken wit hak kerek God ketpiwek hirak kakwetibekek. God ap keteikniwek ti ik te hirak kepitari hirak kakno neiyin kakit mekam au. ⁹^gEbrahim kises him me God te hirak ken kau wit kerek God katip hirak kakwetibekek. Hirak kau kekre winak sel kire weisaak kar ke mitik hirak ap ti kirak au. Aisak

^b 11:3 Jen 1:1; Sam 33:6; 2Pi 3:5 ^c 11:4 Jen 4:3-10 ^d 11:5 Jen 5:24 ^e 11:7 Jen 6:13-22, 7:1; 1Pi 3:20; Ro 3:22, 4:13 ^f 11:8 Jen 12:1-5; Ap 7:2-4 ^g 11:9 Jen 26:3, 35:12, 17

ketike nikan kirak Jekop hirakit tetike Ebrahim tatit menmen God epei ketpiwekit kakwetiwekitem te hirakit tau winak sel tar ke Ebrahim kewik. ¹⁰Ebrahim kau winak sel keremem kentar hirak kemerir God kakriyaak kaktiwekhis keiyik kakno wit kerek God hirekes kimaak hirak kaku kakit kakwetiwek winak yaaik.

¹¹^hSera hire han kitet him me God te hirak kenipep hire werék te wepitu. Hire epei enu we mite. Hirak kiriakem kentar hire han kitet hirak kakises him nipaa hirak ketpim me hirak kakwetir nepenyerer nei yapirwe. ¹²ⁱMitik ik hirak epei ke mitik ap te kakine nikerek au, te God kenipek hirak kine nikan. Maain nepenyerer nirak hir yapirwe nar ke تنهاان kau wan eik, o hir mau nepni. Mit ap te nanwenhisi au.

¹³^jMit in hir yapirwe hir naa te hir han kitet God kakises menmen nipaa hirak ketpim. Hir neit menmen God ketporem au, te hirak keteiknor menmen hirak kakriakem mamnen hir han yaaik neriuwerem nertei hirak kakisesim. Hir natip nar ik: “Ti mit newi hiram ti im ap maiu au. Haiu mau in mar ke mit nau ti ke mit han.” ¹⁴Mit kerek natip nar ik hir neteiknai te hir nanir ti mir ham yaaim hir nanwim nanu nanit. ¹⁵Hir ap pike hanhan nanu wit kerek nipaa hir ninaiwirek au nentar hir hanhanek te hir pike nen newi. ¹⁶^kAu, hir hanhan nanir wit hak yaaik hir nanino nanwi. Wit ik ek hirak wit ke God. God ap yink enuk hir nenewek God kir kentar hir han kitetik werék werék. Hirak epei kerekyor wit hak yaaik te hir naninen nanwi hirak keteiknai hirak ap yink enuk ke mit nenewek hirak God kir.

¹⁷^lWi nipaa God katip Ebrahim kininek, Ebrahim kemtau him mirak hirak keit nikan kirak Aisak kewisik kentar nan mire kinaan hirak kakikip kakwepwarek kakwet God ek. Hirak kare kaknep nikan kirak kiutip kerek God nipaa ketpiwek kakwetiwewekek. ¹⁸Nipaa God ketpiwek kar ik: “Aisak kerek kakine nikerek te hir keriyen nanre nepenyerer ne weiwik miutip mit, te nepenyerer han ne nikerek nit han au. Aisak kerekek.” ¹⁹^mTe Ebrahim han kitet kaknep nikan kirak kaki te God tewen kakikiak kerek kaki. Hirak kar ke hirak pike ketiwekhis kentar God keit sipsip neniuk hirak kewisik kekrehir ke Aisak. Te Aisak ap kaa au. Sipsip kerekek hirak kaa.

Him me Aisak, Jekop tetike Josep

²⁰ⁿAisak han kitet God kakises him nipaa hirak ketpim te hirak katip him yaaim men Jekop ketike Iso me menmen yaaim mamnen. ²¹^oKarik Jekop menep hirak kaki hirak katip him yaaim men nikerek hirakit

^h 11:11 Jen 18:11-14, 21:2 ⁱ 11:12 Ro 4:19; Jen 15:5, 22:17; Diu 10:22 ^j 11:13 Jen 23:4; 1Kro 29:15; Sam 39:12; 1Pi 2:11 ^k 11:16 Eks 3:6, 15; Mk 12:26 ^l 11:17 Jen 11:1-14; Je 2:21-22; Ro 9:7 ^m 11:19 Ro 4:17 ⁿ 11:20 Jen 27:27-29, 39-40 ^o 11:21 Jen 48:15-16

wik te Josep me menmen yaaim mamnen kentar hirak kises him me God hirak han kitet God kakriak menmen nipaa hirak ketpim. Jekop ketpor him yaaim epei au, hirak kises paap kirak keiyik kire hirekes kerp hirak kewenipi niuk me God. ^{22p}Josep kises him me God han kitet God kakriak menmen nipaa hirak ketpim, te wi menep hirak kaki, hirak katip heiyiuwerer nirak kar ik: “Maain God kakithis nepenyer nain naninaaiwir wit ik Isip, hir enit herwe yink kai enwisik ekikre hei me wit kerek hir nanwiyen.”

Him me menmen Moses kiriakem

²³ Moses miye haai nirak hir han kitet God kakikepi te miye winaak epei au, hir nirek hirak nikan kir yaaik au wetpen enuk keit. Hir hiras ap nakip nar ke nipaa mitik iuwe Fero katip hir eninep nikerek hirakit tirek au. Hir nisawinek ere wenke wikak.

²⁴ Moses han kitet God kakikepi kakri mit miyapir nirak ne Isrel naninaaiwir Isip te maain hirak kire mitik iuwe hirak kinapen mit hir ap eninewek hirak mitik iuwe ke Isip hirak nikan ke Fero niki pirak kerek nipaa ere in naanmiprewek au. ²⁵ Hirak hanhan kaku kaktike mit ne Isrel God nipaa kehimiteni hir mit nirak, me wi mit ne Isip newaanki nerekyor enum. Hirak kinapen keweikin sip kewet God te hirak han yaaik kaku kakre mitik iuwe ke Isip. Menmen im enum mit miyapir nisesim hiram ap te mamrekyor hir han yaaik nanu me wi yapirwe taau. Me wi mei kike keremem. ²⁶ Hirak han kitet maain Krai kaknen kakwet mit nirak menmen, te hirak kertei hirak kaku kaktike mit ne Isrel, mit ne Isip netpiwek enum. Hirak han kitet menmen im hiram minin menmen iuwe hirak ketiwem kentar hirak iuwe nikan hak ke Fero. Hirak han kitet maain Krai kaknen kakwetiwewek menmen yaaim minin menmen meit Isip.

²⁷ Moses han kitet God kakinin Fero te hirak kinaaiwir Isip, hirak ap kinaain mitik iuwe Fero kerek hirak han enuk keriuwerek au. Hirak ap pike keweikin ken kau Isip au kentar hirak kertei God, kerek haiu mit ap mirek au, hirak kau ketikerek kekepik. ²⁸ Moses han kitet God ap kaknep nikerek hirakit te mit kerek newis hemkre mau wepir ke winak te hirak kiriak menmen me pasova kinin. Hirak katip mit miyapir ne Isrel hir enwis hemkre emu wepir te Ensel ke God kerek kaknep mit, hirak kaknep nikerek hirakit tir iuwe et.

Mit miyapir yapirwe ne Isrel nises God werewek

²⁹ Mit yapirwe ne Isrel nises him me God te hir nerekir wan niuk mirak Wan Ninik, hirak kewep pinak pinak te hir nitet ke nimin nen pinak ein

^p 11:22 Jen 50:24-25; Eks 13:19 ^q 11:23 Eks 1:22, 2:2 ^r 11:24 Eks 2:10-12 ^s 11:26 Hi 10:34-35 ^t 11:27 Eks 12:51, 14:13-14; Ro 1:20; 1Ti 1:17; Hi 11:1 ^u 11:28 Eks 12:21-30
^v 11:29 Eks 14:21-31

nire mit nitet yayiwe tipar ap mei miwaaari au. Maain mit ne Isip hir nare nanises mit miyapir ne Isrel naninip te tipar pike kewen kan kanip kenepi.

³⁰ *Mit miyapir ne Isrel han kitet God kakikepi hir naninep mit miyapir ne wit Jeriko te hir nen neweikin wit kir me wi hispinak wik. Epei au, God kekepi te niwa kerek kisawin wit Jeriko keweikniwek kewen te hir nen ninin ein nenep mit nanip nenepi. ³¹ *Mite Rehap nipaa hire mite enu wari mit his weneninem, hire han kitet God kakikaap mit ne Isrel kakinin mit kerek ap nises God nau wit Jeriko wit kire, te hire wikaap mitikit te Isrel kerek hirakit tan tisawin temiyenwonaan tir wit. Te maain mit ne Isrel nen nenep mit ein kerek ap nises God, hir ap naaup au. Hire wau weit. ³² Hi ap etpi him ham au. Hi etpi him me Gidion, Berek, Samson, Jepta, Devit, Samyuel hirakit tetike mit profet yapirwe te him mai mamnen nokim enum nokim. ³³ *Mit in nentar hir nises him me God hir netike mit nerer wit wit nenepan te hir ninini nanip nenepi. Hir niriak menmen yaaim te hir neit menmen nipaa God ketpim. Hir nemesis him me pusi ke yaank laion hirak iuwe kar ke sak te hiram ap manip au. ³⁴ *Mit en hir ninin si iuwe me mit enun nanip neriuwerem te hiram maa. Hir mit han nan menep naninip te hir nirir te hir nanip taau. Hir mit iuwe au hir nire mit weinin te God kekepi hir nire mit iuwe manpenun. Mit nerer wit wit nan netikeri nenepan te hir nenep mit en hir pike nirir. ³⁵ *Miyapir han pike neithis mit nir netike nikerek nipaa naa hir pike nekrit nau. Mit han nekre winak enuk ninapen neweikin sip newet God te mit hir nesiupani taau. Hir mit han nisesik te mit han nanip nerekyor enum enum hir naa, hir newis mit nanip te maain God kakikian hir nanikrit nantikerek nanu nanit. ³⁶ *Mit enun hir nitetnaan mit han yaain hir niwaaai nipin nanip, mit han hir nesenkekhis hit mir newisi nekre winak enuk. ³⁷ *Mit han enun hir newir nan nanip, hir neit so neiyim nerenirir yinan yinan, hir neit hine me his neiyim nenep mit han neriuwerem hir naa. Hir mit miyapir han yaain namir yink me sipsip o meme neiyim nen in nen ein, hir ap netenen nan au, mit newaanki nerekyor enum hir nepu enum. ³⁸ Hir mit miyapir nen ein nen ein nitet yaank weinik, miniu (o neiyip) weinim, hir nirir nen nau ninik miniu (o neiyip) nekre han o nekre hei iuwe me ti. Hir mit yaain te mit han nau ti hir ap yaain te hir nanu nanikreri ninin au.

³⁹ Mit miyapir in hir nises him me God te God katip hir yaain niuk mir iuwe. Te mit in ap neit menmen God nipaa ketpim kakwetai haiu mit em wen au. ⁴⁰ God kewetirem wen au kentar hirak keraimani menmen hak kinin menmen nipaa hir nisesim. Hirak han kitet kakrekyei mamtikeri haiu mit yaain mentar menmen Krai kirkakem.

* 11:30 Jos 6:12-21 * 11:31 Jos 2:1-21, 6:21-25; Je 2:25 † 11:33 Dan 6:22 ‡ 11:34 Dan 3:23-27 † 11:35 1Kin 17:17-24; 2Kin 4:18-37 ‡ 11:36 1Kin 22:24-27; Jer 20:2, 37:15, 38:6 † 11:37 2Kro 24:21

Haiu emises him me God emriak menmen nipaa Jisas kiriakem

12 ^{1d}Mit in kerek hi nepei hetpiyem hir nipaa nises him me God werek werek hir yapirwe nerp wit ke God nirai nire mit nerp nir nikerek hir nesiuken neit skul. Te haiu mit emweikin sip emwet menmen yapirwe mamraiwaank o menmen enum kerek haiu hanhan emisesim emriakem te hiram emit. Haiu emnawirem mar ke mitik kesiuknen kewenwo laplap hirak kenepim kewirem te hirak kesiuken waswas. Haiu emnawirem emit te haiu emises menmen werek werek God kehimitenai haiu emisesim. ^{2e}Haiu han ekitet Jisas kerek hirak kinin mit han hirak kire Mitik Iuwe kises God werek werek te hirak kekepai haiu mamisesik werek werek. Hirak kerekek han kitet hirak yink enuk kaa kentar nu tentarakit hiram menmen weinim kentar hirak kertei maain hirak kakinin menmen enum kakikepai kakriuwe menmen hirak kiriakem hirak yaaik kaku. Nepei au, hirak ken kau menep his yaaim me God kire Mitik Iuwe ketikerek naanmipre menmen yapirwe.

**God kewis menmen enum mamnen mamraiwaank
te haiu mamisesik werek werek**

³Yi han ekitet menmen enum mit enun nerekyiwekem te hirak kau han tokik kises menmen God kehimiteniwek kakisesim. Te yi ap han enuk waswas yeriuwe menmen enum miwep te yi yeweikin sip yewet menmen yaaim me God. ⁴Wi Seten kakri han ki o mit nanrekyi enum te yi eiweikin sip eiwet Krai, yi ap eiriak menmen iuwe wen au te yi yainin menmen enum ere hemkre mi mamwen te yi yayi yapir ke Krai kiriakem. ⁵Yi han kaa menmen God ketpiyem mamkepi yi eiyu han yaaik a? Nipaa him me God mit newisim mau tiwei matip yi yar ke nikerek nirak mar im:

“Nikerek nai, wi kerek God kesiuwe menmen miwep kar ke haai kenep nikan kirak, yi ap han kitet menmen enum hiremes man miwep au. Yi ap han enuk yeriuerem han kitet God kineini au, wi kerek hirak kesiuwe menmen enum mamnen mamiwep. ⁶Yi ap han ekitet eiyirik eiyintar mit miyapir kerek God hirak hanhan keriuweri hirak kewis menmen manip kakikepi hir enises menmen yaaim. Mit miyapir kerek hirak katip kar ik: ‘Yi nikerek nai,’ hirak kewis menmen mamnip mamkepi hir nanises menmen yaaim.” ^{7h}Te yi han tokik eiyu eiriuwe menmen enum mamnen mamiwep. Yi han ekitet menmen im hiram mire menmen haai hirak kiriak nikerek nirak em, te hir enises him mirak werek

^d 12:1 Ro 7:21; 1Ko 9:24-25; Hi 10:36 ^e 12:2 Hi 1:3 ^f 12:5 Pro 3:11-12 ^g 12:6 Rev 3:19

^h 12:7 Diu 8:5; 2Sml 7:14

werek. Menmen im enum mamiwep, hiram meteikni God hirak han kitet yi nikerek nirak hirak kakikepi yi yaain. Nipaa yi yertei mitik hak ap kenep nikan kirak o au a? Taau. Mit yapirwe nenep nikerek nir. ⁸Haai ki God hirak ap te kakrekyi menmen mi enum, menmen im hiram meteikni yi ap nikerek yaain au. Yi yire nikerek ne weiwik ham. ⁹Nipaa haiu yapirwe haairer nauu hir nerekyei menmen enum maiu te haiu mineini han kitet hir iuwe. Te God hirak kinin haairer nauu, hirak Haai ke himin kaiu te haiu emisesik emwisik hirak kerekyei menmen enum maiu te haiu mamtikerek mamu mamit. ¹⁰Haairer nauu hir nises han kir nerekyei menmen enum maiu me wi ham haiu wen kike. God hirak au. Hirak kerekyei menmen maiu enum kekepai te haiu yaain mamir ke hirak. ¹¹ⁱWi God o mit nerekyai menmen maiu enum, haiu han kitet hiram menmen enum te hiram ap menipai han yaaik meriuwerem au. Maain haiu mit kerek God kerekyei menmen mar im, hiram menipai haiu mamre mit yaain mamriak menmen yaaim haiu mamu werek werek.

Haiu naanempre hiras te haiu ap emweikin sip emwet God

¹²^jYi mit han yi yinapen yises him me Jisas Kraiss yar ke mit kerek nen yanimin hir his hit maa. Yi ap eiyu han tewenin hiras me menmen epei man miwep au emit! Yi pike hanhan eiyises him me Jisas werek werek. ¹³^kYi eiyises God werek werek hiram mamir ke mit nipaa hit par mewers, hir nitet yayiwe yaaik kipirak te hit mir mamre yaaim. Mit han narik kerek neweikin sip nanwet Kraiss hir niri yi pike yises God werek werek te hir pike hanhan nanisesik werek werek.

¹⁴^lYi mit miyapir yetike mit miyapir han yapirwe yi eikiyan eiyu. Yi eiyises menmen yaaim God hanhan yi eiyisesim eiyintar yi ap eiyises menmen yaaim im te yi ap yayu yaitike Mitik luwe God au. ¹⁵^mYi naanmamre hiras werek werek. Hiram ap yaaim te yi ap yayit menmen yaaim yapirwe God kakrekyiyem kakwetiyeu au. Mitik hak hirak kar ik hirak kire hepnek ke ti enum mewe misawin mekre nimen ke yenkis te maain mit nerp nentiram nik miram meketet mau hit mir. Mitik kar ik hirak kakriak menmen enum kakri han ke mit miyapir yapirwe kakriwaank kakriuerem. ¹⁶ⁿYi naanmamre hiras te yi mit o miyapir han ap te eirianhis eiweninem, o han kitet menmen me God hiram menmen weinim mar ke nipaa mitik Iso kiriakem. Hirak han kitet him God katip maam kirak Ebrahim hiram menmen weinim. Te hirak kewis nikik kirak kakit menmen mirak yaaim maain haai kakwetiwekem

ⁱ 12:11 Je 3:17-18 ^j 12:12 Ais 35:3 ^k 12:13 Pro 4:26 ^l 12:14 Sam 34:14; Ro 12:18
^m 12:15 Ap 8:23 ⁿ 12:16 Jen 25:33-34

metike him yaaim God ketpim me menmen mamnen. Hirak kewisik kakit menmen im kentar hirak ninpimaak nikik kirak kewetiwek menmen mei kike hirak kaam. ¹⁷Yi yertei maain hirak hanhan pike kakit menmen mirak te God kenip Jekop kekrehir kirak hirak kepirek ketpiwek kar ik: "Ti taau." Iso kikit kitiwekhi yapirwe te God kenipek ap te keweikin han mewek au.

Haiu meit him yaaim me God haiu mamno wit Saion

¹⁸PNipaa wi yi yinin yises him me God yi ap yir menmen yemtehem yar ke mit nipaa ne Isrel nirem nemtehem. Hir nan miniu (o neiyip) niuk mirak Sainai, hiram si iuwe merhihe mau paan mirak, hir nir napi toto enum miwapin wit mar ke witaan toto, yuwerep man, ¹⁹hir nemtau mitik hak keit miniu (o neiyip) ketenwo taur. Epei au, hir nemtau Mitik luwe keit ein katip him iuwe enum. Mit miyapir ne Isrel hir nemtau him enum me Mitik luwe eik katip keit miniu (o neiyip), hir nepirpir nitehi Moses natip nar ik: "Haiu minapen mamtau him menmen meiyam im au emit!" ²⁰Hir ninapen nemtau him meiyam God ketporem nentar hirak katip kar ik: "Keimin mitik o mite, nikerek o samiyak hir naninen nanirp nanitet miniu (o neiyip), mit han nanit nan nanwirem neiyim naninep mitik kaki o samiyak mami." ²¹Mit en nir menmen im te hir ninaain nepirpir. Moses hirekes katip kar ik: "Hi hepirpir wisenum hentar hi hinaain."

²²Te yi mit kerek yi yises him me God in, yi ap yan miniu (o neiyip) mar im au. Yi himin ki epei kan miniu niuk mirak Saion kerek wit iuwe ke God kewi. God hirak kaku kakit tipmain tipmain enum eik. Yi himin ki epei kan wit Jerusalem, hirak keit wit ke God kerek mit ensel yapirwe hir han yaaik nererik nau en. ²³Yi himin ki epei kan ketike nikerek yapirwe ne God kerek nanit menmen yaaim mirak yi yererik han yaaik yepu. God kewis niuk mi metike niuk mir mau tiwei mirak hirak kertei yi neimin yi mit miyapir nirak. Yi himin ki epei kan kir God kerek hirak naanmipre mit yapirwe, hirak maain skelim haiu mit metike mit kerek nipaa God katip hir mit yaain hir netikerek nau wit kirak. ²⁴Yi himin ki epei kan kau ketike Jisas kerek kerp nimin ke God ketike haiu mit, hirak ketpai him ham yaaim haiu mewenhi mamisesim hirak kekepai haiu metike God haiu mau han kiutip. Hirak nipaa kaa hemkre mirak mewen. Menmen im hiram meteiknai menmen nipaa mitik pris kiriakem. Hirak keit menmen mire mapik kemit mekre hemkre me bulmakau o meme kiwaaiyem mentar yink ke mit ein te God katip hir yink kir yaaik. Mar im hemkre me

° 12:17 Jen 27:30-40 P 12:18 Eks 19:16-20; Diu 4:11-12 ¶ 12:19 Eks 20:18-21; Diu 5:22-27 † 12:20 Eks 19:12-13 * 12:21 Diu 9:19 † 12:22 Ga 4:26; Rev 5:11 ° 12:23 Lu 10:20
 v 12:24 Hi 8:6, 10:22; 1Pi 1:2; Jen 4:10

Jisas mesak menmen enum mekre han kiau te hirak kire yaaik. Hemkre mirak ap mar ke hemkre me Ebel nipaa hirak kaa au. Hiram yaaim minin em. God kir hemkre me Ebel hiram menipek han enuk kiriak mitik Ken menmen enum. Hemkre me Jisas au. God kirem te hiram menipek hirak hanhan keriuwai haiu mit, hirak kesak menmen enum mekre han kiau.

Haiu naanempre hiras te haiu emises God werék werék

²⁵Yi naanempre hiras te yi ap eiweikin sip eiwet him Kraís ketpiyem au emit! Nipaa God kerp miniu (o neiyip) Sainai katip mit miyapir him mirak. Mit han en neweikin sip newetiwekem hir ap te nirir natinpin ne menmen enum God kerekyorem au. Haiu mamnopin mamkeipin menmen enum mamwep mamirkeik te haiu emweikin sip emwet him me hirak mitik kerek kekiuwe wit ke God ketpai menmen? Taaú. ²⁶Nipaa God keit miniu (o neiyip) Sainai hirak katip keriuwe him mirak ti kitanik te in ek hirak katip him iuwe kar ik: “Hi tewen pike etanik ti eteipim. Ti weinik kerekek au. Hi tewen etanik ti ketike nepni hiram mamiwaank.” ²⁷Him im hiram matip “meteipim,” te hiram meteiknai menmen im: Nipaa God kiriak ti te maain hirak kaktanik menmen im te hiram yapirwe hirak kakiwaankem mamit. Menmen ap me ti ap mamtanik, God kakiwaankem au. Hiram mamu mamit.

²⁸Haiu han yaaik emu emintar menmen im God kakwetaiyem kakit wit kerek hirak naanmipre menmen yapirwe, wit kerek mitik hak ap te kaktanikem au. Te haiu mamwenipi God niuk mirak luwe mamriak menmen yaaim hirak hanhan haiu miriakem. ²⁹Haiu emriak menmen mar im mamintar God kiau hirak kire si tatim menmen te God kakiwaank menmen yapirwe kerek hirak ap han yaaik keriuwerem au.

Haiu han tewenin nau yinan

13 ¹Te yi wen han tewenin ni yinan ne Kraís. ²Yi han ekitet eikaap mit han ne wit hak nan eiýintar nipaa mit han niriakem marim. Hir nepitari mitikit et hir nekepikit hirakit mitikit et hir nekepikit hirakit mitikit ensel te wit ke God, te yi yepitari hir naninen nanu winak ki. ³Yi han etwenin eikaap mit miyapir kerek nau nekre winak enuk ke gavman nar ke yi yekrehir kir. Yi han etwenin eikaap mit miyapir hir mit han enun newaanki nar ke yi yekrehir kir. ⁴Yi han ekitet menmen me yi yayitan hiram menmen yaaim. Yi mit miyapir ap eiri mit miyapir han his eiweninem au emit eiýintar God skelim mit miyapir kerek niriak enum mar im.

* 12:25 Hi 2:1-3, 10:28-29 x 12:26 Eks 19:18; Sam 68:8; Hag 2:6 y 12:29 Diu 4:24, 9:3; Ais 33:14 z 13:1 Jo 13:34 a 13:2 Ro 12:13; 1Pi 4:9; Jen 18:1-8, 19:1-3 b 13:3 Mt 25:36; Hi 10:34 c 13:4 Ga 5:19, 21; Ef 5:5

⁵Yi ap hemkre mamnepam eiriuwe pewek mei yi eitiwem yapirwe au emit! Yi han yaaik eiyu eiriwe menmen yi yeteninem eiyantar him me God mau tiwei matip mar im:

“Hi God ap hinaipisi au, hi ap eweikin sip ewetiyem au. Hi ekepi naanmamri me menmen.” ⁶God katip menmen im haiu mertei hirak kau ketikewai, te haiu yapirwe niutip niutip matip mar im: “Mitik Iuwe God kekepa te hi ap anapen menmen enum mit hir nanrekewem au.”

Haiu emises menmen mamir ke nipaa mit naiu iuwe niriakem

⁷Yi han ekitet mit nipaa hir ninin naanmipri netpi him yaaim me God. Yi han ekitet menmen hir niriakem markeik te hir nises him me God hir naa te yi yayises menmen mamir ke hir niriakem. ⁸Yi yises him me Kraiss nipaa yi yemteiwem yentar Jisas Kraiss hirak nipaa ere in ere maain hirak ap te kakweikin kakre menmen ham. Hirak kaku kakit hirak ap te kakitpai him ham au. Hiram mamu mamit. ⁹Yi ap eiwis mit han nanri han ki eiriuwe him ham him ham mir kerek nipaa yi ap yemteiwem te yi eiweikin sip eiwet him yaaim me God au emit! Menmen yaaim God kerekiyiem hiram mamkepai han kiau te haiu emisesik werek werek. Him ham mit netpiyem neriuwesis menmen te yi ap eiyim emit, hiram menmen weinim. Hiram ap mamkaap mit miyapir kerek nisesim te hir nanises God werek werek au.

Menmen yaaim yi eiriakem te God han yaaik kakriuwere

¹⁰Mit kerek nises him me Moses hir nenep samiyak newisim mentar kinaan me nan mit nenewek alta. Maain hir naam menmen im te hiram mamkepi hir nanu werek. Jisas Kraiss kewepwar hirekes hirak kaa kewet God yink kirak te hirak kekepai haiu mit miyapir kerek mises him mirak. Te mit in kerek wen nises him me Moses, hir ap yaain te hirak kakikepi taau. ¹¹Hir ap yaain te hirak kakikepi kentar hirak ap kire samiyak mit newepwarem newet God em te maain hir nanim au. Hirak kire menmen mitik iuwe hetpris keit hemkre me samiyak ham hir mit pris han epei namip hirak keiyim ken kekre haau hir nehimitanem me God te hirak kewisim mau kinaan te hiram mamwapin menmen enum mit niriakem. Nepei au, hirak keit samiyak yink kewet hir mit pris han em hir neiyim nanino nanisiyem nanit pin eik. Menmen Jisas kiriakem hiram marim. ¹²Hirak kaa keit pin eik mit ne Isrel ap newis hemkre mirak mewen te mamisak menmen enum me haiu mit yapirwe miriakem te haiu mamre yaain. Hirak kaa keit pin eik kentar hirak kekrehir ke samiyak hirak

^d 13:5 1Ti 6:8; Diu 31:6, 8; Jos 1:5 ^e 13:6 Sam 118:6 ^f 13:7 1Ko 4:16; Hi 6:12 ^g 13:9 Ef 4:14; Ro 14:17 ^h 13:11 Lev 16:27 ⁱ 13:12 Mt 21:39; Jo 19:17

kewepwar hirekes kewet God yink kirak. ^{13j}Haiu emweikin sip emwet mit kerek nises him me Moses haiu emises him me Krai's mentar mit kerek nises him mirak neweikin sip newet Krai's hir nepirek ken hir nakip kaa. Mit nanrekyei enum mar ke nipaa hir niriak Krai's em nanintar haiu misesik te haiu han ekitet hiram menmen weinim. ^{14k}Haiu emweikin sip emwet menmen mit kerek nises him me Moses hir niriakem. Haiu emnawirem emintar haiu mit ap wit kiutipen kaku kakit te haiu mamu mameitai tipmain tipmain enum eik au. Haiu mamerir wit yaaik kaiu maain God kakimaak haiu mamwik. ^{15l}Te haiu hekrit hekrit han yaaik emu emwenipi niuk me God emintar menmen Krai's kiriakem, menmen im haiu miriakem meriuwe him maiu haiu mewepyapir niuk mirak matip mit han em, hiram mire samiyak yaaim haiu mewepwarem mewet God em. ^{16m}Hekrit hekrit yi han ekitet skelim menmen mi yaaim eikaapan eiriwerem. Menmen im yi yiriakem hiram yaaim mire samiyak mit newepwarem newet God em, hiram menipek han yaaik keriuweri.

¹⁷ⁿYi eiyimtau him me mit ni naanmipri yi eiyisesim. Hir naanmipri nankepi nar ke mit kerek maain God kakiri kakitorhi me hir naanmipri himin ki werek werek, o au en, te hir nenmak hir ap naanmipri. Yi eiyises him mir te hir han yaaik nanriak menmen, o au en, yi eiweikin sip eiwetir, hir han enuk nanriak menmen mir hir ap te nankepi yi mit eiyises Krai's werek werek au.

Yi eiyitehi God kakikepai haiu mit

^{18o}Yi wen eiyitehi God ekikepai emintar haiu mertei mekre han kaiu haiu ap yink enuk meriuwe menmen haiu miriakem. Hekrit hekrit haiu mare mamriak menmen yaaim keremem. ^{19hi}Hi hitehi yi mit him iuwe te yi eiyitehi God ekikepa te hi pike anen eri waswas.

^{20p}God kerek hirak kenipai haiu mit mekiyan mau meit, hirak kikiak Jisas pike kekrit kau, hirak kehimitanek hirak Mitik Iuwe naanmiprai haiu mit kar ke mitik naanmire sipsip. God kehimitanek hirak Mitik Iuwe naanmiprai kentar nipaa hirak kaa hemkre mirak mewen. Hemkre mirak mewen menip him me God yaaim kerek nipaa hirak katip haiu mamwenhi mamisesim. Him im mamu mamit mamirek tipmain tipmain enum eik. Hirak ap te kakweikin han kirak au. God hirak yaaik kiriak menmen mar im te hirak werek kakikepi. ^{21hi}Hanhan God kakweti menmen yaaim kakikepi te yi eiyises menmen hirak hanhan yi eiyisesim. Hi hanhan menmen im mentar menmen Jisas Krai's kiriakem te God kakriak menmen, hirak hanhan kakiriakem mamikre han kaiu. Haiu

^j 13:13 Hi 11:26, 12:2; Mt 7:13-14 ^k 13:14 Hi 11:10, 16, 12:22 ^l 13:15 2Kro 29:31; Sam 50:14, 23; Hos 14:2 ^m 13:16 Fl 4:18 ⁿ 13:17 Esi 3:17; 1Te 5:12 ^o 13:18 Ap 24:16; 2Ko 1:12 ^p 13:20 Sek 9:11; Ais 55:3; Jer 32:40; Esi 37:26; 1Pi 2:25

hanhan Krais kakit niuk iuwe te mit nanwenipi niuk mirak tipmain tipmain enum eik.

Mitik katip him ham yinam

²²Hi hitihi him iuwe te yi eiyimtau him mai kike im hi nepei hewisim hiram mamkepi yi einakin tokim eiyu. Hi ap ewis tiwei nokik au. Tiwei ik hirak yinak. ²³Hi hanhan yi yertei kiau yinak yaaik Timoti, mit enun nesiupaneke hirak kinaaiwir winak kir enuk ke gavman ken witeik. Hirak kaknen wit kai ik waswas te wi hi anen ari hi atiwekhis hawir waunen wauri.

²⁴Yi eitip mit ni ein hir naanmipri hir netike mit miyapir yapirwe nises him me God en, yi eiyitpor hir yaain. Mit ni yinan in ne Itali kerek nises him me God netpi, yi yaain.

²⁵Hi hanhan God kakrekyi menmen yaaim.

Mepir keremem